

四庫全書

經部

欽定四庫全書

禹貢長箋卷十

吳江朱鶴齡撰

導岍及岐至于荆山逾于河壺口雷首至于太岳底柱

析城至于王屋太行恒山至于碣石入于海

岍又作沂

此下隨山也岍岐荆皆雍州山漢地理志吳山在扶

風郡岍縣

今鳳翔府隴州

西古文以為岍山

天中記國語謂之西吳秦都咸

陽以為西岳

蔡傳今隴州吳山縣吳嶽山也周禮雍州山

鎮曰嶽山又按寰宇記隴州汧源有岍山岍水所出

禹貢所謂岍水

括地志岍山在隴州汧源縣西六十里其山東連汶岫西接隴岡汧水出

焉雍大記在今隴州西四十里王樵曰汧水出其西而南入渭汧水出其北而東入涇按水經注汧水出

汧縣之蒲谷鄉弦中谷決為弦蒲數蔡傳汧出弦蒲是二水本通流愚按岍山地理志

水經注皆云即吳嶽商周之世疑以岍為西嶽故爾

雅職方皆名嶽山

爾雅河南華河西北恒嶽河東低河北恒

一統志岍山吳

嶽山並載

岍山在隴州西四十里吳嶽山在隴州南八十里今為西鎮

雍大記亦

云岍與吳嶽非一山而蔡傳引晁氏說又謂今隴山

天井金門秦嶺皆古之岍山不知何据歧荆見雍州

河即龍門西河壺口見冀州漢地理志雷首在河東

蒲坂縣

今平陽府蒲州水經注雷首北去蒲坂三十里

南或云首陽山即雷

首之南阜

山臨大河山下有雷澤相傳即舜漁處括地志雷首一名中條山亦名歷山

太

岳見冀州孔傳太岳在上黨西底柱在西虢界正義

底柱在太陽關東析城之西

水經注山在虢城東北太陽城東太陽虢都北

號也在今陝州按地理志云北虢在太陽東虢在榮陽西虢在雍州孔傳謂底柱在西虢界則似以太陽

為西水經注河水分流包山而過石見水中若柱然

故曰底柱也

山西通志底柱在平陽府平陸縣東界河自河津西來微析而南至平陸東流



五十里至底柱達于垣曲高不踰數尋圍不及百丈巋然中流撐持地軸亦謂之三門山

中曰神門南曰鬼門北曰人門其始特一巨石平如砥禹鑿之為三水行其間聲激若雷鬼門尤為險惡

愚按蔡傳本水經注以三門山為底柱州志亦以砥

柱即三門山都穆謂底柱在陝州東五十里黃河之

中循河至三門集津三門之廣約二十丈其東百五

十步為砥柱崇約三丈周數丈蔡氏未嘗親歷其地

故誤據此則底柱又在三門之東漢地理志析城在

河東獲澤縣

今澤州陽城縣

西

山西通志析城在陽城縣西南七十里太行支山下有神

池其深莫測世傳與濟瀆相通  
晁氏說之曰山峯四面如城漢地理

志王屋在河東郡垣縣

今平陽府絳州垣曲縣

東北濟水所出

一統志王屋在澤州陽城縣南境廣三十里又云在懷慶府濟源縣西八十里其絕頂曰天壇濟水發源

處  
晁氏說之曰山狀如屋故名或云王屋車蓋山形

如之漢地理志太行山在河內郡山陽縣

今懷慶府河內縣

西北

一統志太行山在懷慶府城北二十里

述征記首始河內北至幽

州凡百嶺有八陁

徐廣曰陁者山絕之名常山有井陘中山有苦陁程大昌曰居庸關

其最北之

第八陁  
朱子曰太行自崑崙北支入中國西南行

歷三晉抵河東復與河會

過河便見太行在天半如黑雲然

河北諸

州皆旋其趾

太行分畫東西上黨是山脊最高處按山西通志太行互三省隨地異名析城

王屋即其支也關鎮志以太行即恒山似誤

程子謂太行山千里片石衆

山皆石上起峰爾漢地理志恒山在常山郡上曲陽

縣

今真定府定州曲陽縣

西北

漢避文帝諱改常山括地志在定州恒陽縣西北一百四十里

愚按恒山一在曲陽一在雲中據周禮恒山為并州

鎮當以雲中為正一統志古北嶽在大同府渾源州

南二十里廟址猶在山北四十里即蜚狐口上有飛

石窟兩崖懸立豁然中虛相傳飛至曲陽故歷代就

祠以為嶽靈所寓然故封不可不正也

明代弘治中馬文升建議

欲改祠渾源為禮臣倪岳所格見昭代典則

碣石見冀州入于海言此諸

山之水皆有趨海之勢也孔傳百川經此衆山禹皆

治之川多不可勝名故以山言之正義謂漳潞汾涑

在壺口雷首大河經底柱析城濟出王屋淇近太行

恒衛漳沅滏易近恒山碣石等以上皆大河以北之

山愚按逾於河唐孔氏謂山勢相望越河而東蘇傳

云地之有山猶人之有脈有近而不相屬者有遠而相連者雖江河不能絕也北條諸山河不能盡南條諸山江不能絕非地脈而何蔡傳則深非之謂逾者禹自荆山而過於河也禹之治水其表識諸山之名必高大可以辨疆域廣博可以奠民居故謹而書之以見施功之次第初非有意推其脈絡所自來若今葬師所言也即以山脉言之河北諸山根本脊脈皆自代北襄武嵐憲諸州乘高而來其脊以西之水則

西流以入龍門西河之上流其脊以東之水則東流而為桑乾諸水以入于海其西一支為壺口太岳次一支包汾晉之源而南出以為析城王屋而又西折以為雷首又次一支乃為太行又次一支乃為恒山其間各隔沁潞諸州不相連屬豈自荆岐跨河而為是諸山哉

其說本朱子朱子謂太行自西北發脈來為天下之脊底柱王屋等山皆是太行山

脚其辨甚核然疏謂山勢越河但言壺口雷首與河

西諸山綿亘不絕非以底柱太行等山皆從荆山發

脈也即子瞻解亦未可盡非朱蔡于岷山條有南支

北支之說非所云地脈耶 鄭曉曰由壺口而雷首

自北而南順行也由雷首而太岳則向北逆行也

冀西

河上

由底柱而析城自西而東順行也由析城而王

屋則向西逆行也

冀南河上山

由王屋而東北有太行由

太行而北有恒山由太行恒山迤邐而東北有碣石

則皆順行也

冀東河上山

壺口雷首底柱析城太行恒山

千里而近其至于太岳王屋碣石千里而遙又東河

之山長于南河南河之山長于西河 呂氏祖謙曰  
山川之分見于九州者其經也聚見于後者其緯也  
無經則不知其定所無緯則不知其脈絡又曰導山  
有二意水之源未有不出于山水之勢未有不因于  
山既隨山通道相其源委又以導山旁礪谷之水而  
納之川也林氏之奇曰方洪水懷襄故川舊瀆皆浸  
沒不見不可施功故先以九州高山巨鎮為表識自  
西決之使東以殺其滔天之勢水既潤下漸入于海



川流故迹稍稍可求於是濬川之功施焉蓋其序然也徐常吉曰導有疏通推挽之意山何以言導也易曰山澤通氣西周之季三川竭而岐山崩是山川之通為一也使山之氣壅遏而不行則水之流必泛溢而善潰故禹之導水必先以導山導之云者芟繁剔蔚接殘墮斷以使其脈絡之相通而已導山先儒有三條四列之說三條者導岍北條西傾中條嶠冢岷山南條此馬融王肅之說也四列者導岍正陰列

西傾次陰列嶓冢次陽列岷山正陽列此鄭玄之說也  
大畧即蒙恬所謂地脈然內方大別在荊州岷在梁州  
相去數千里豈可合為一條四列雖是而陰陽正次名稱未當  
故蔡仲默不取分之為南北二條而江河以為紀焉然此說亦有所本  
唐天文志云天下山河之象存乎兩戒南條北條即所謂南戒北戒江  
為南河河為北河南北兩河上應雲漢蓋天文地理自然之分判也  
予二之中又分為二北條有大河之

南北南條有江漢之南北橫則先北而南從則自西而東義視王鄭益精密矣

西傾朱圉鳥鼠至于太華熊耳外方桐栢至于陪尾

西傾見梁州

鄭曉曰此西傾在鞏昌府漳縣西北非梁州臨洮之西傾臨洮西傾渭水未嘗

經流按梁雍二州無二西傾一統志鞏昌府西接臨洮故此山二府並載本與渭水無涉鄭說誤也

地理志朱圉在天水郡冀縣

今鞏昌府伏羌縣

南

雍大記山在伏羌縣

西南三里鄭曉云去鳥鼠西二百里

水經注山在冀縣南梧中聚開山

圖謂之天鼓山

王應麟曰在西和州大潭縣俗呼鳥為白崖山西和令鞏昌府西和縣

鼠見雍州漢地理志華山在京北華陰縣南

山海經太華之

山削成而四方高五千仞廣千里陝志太華山在華陰縣南十里即西嶽以西八十里少華山故此曰

太華述征記華山對河東首陽山黃河流于其間王樵

曰河自下龍門南流其勢湍急及太華之陰喬岳綿

亘不可復南乃折而東行渭率澧涇漆沮洛率伊瀍

澗諸水爭赴焉山水一大交會也正義西傾朱圉傳

言在積石以東見河所經也

按朱圉非河所經

鳥鼠東望太

華甚遠故傳云相首尾而東漢地理志熊耳在弘農

郡盧氏縣

註見豫州

東伊水所出

孔傳洛經熊耳一統志熊耳在盧氏縣西南五

十里山連永寧界兩峯相並如熊耳

愚按熊耳當據地志蔡傳謂在上

洛

州令商

蓋本山海經註若熊耳在上洛則為雍州山

矣漢地理志潁川郡嵩高縣有嵩

一作崧又作崧

高山

括地志在

洛州陽城縣西北二十三里陽城即今河南府登封縣孟子蓋避禹之子于箕山之陰註云嵩高之北

古文以為外方郭璞曰太室山別名外方即中岳也

伊水所經

述征記東北曰太室西南曰少室相去十七里嵩其總名

金氏履祥曰

外方非嵩山也嵩高為中嶽安得與江夏之內方相

為內外哉據唐志陸渾山一名方山蓋古外方云在

伊闕漢地理志桐柏在南陽郡平氏縣

今南陽府唐縣

東南

淮水所出史記索隱桐柏一名大復山

一統志桐柏山在南陽府

唐縣東南一百八十里其山東南接隨州界西接棗陽界隨州屬德安府棗陽屬襄陽府

漢地理

志江夏郡安陸縣

今湖廣德安府安陸縣

東北有橫尾山

一統志橫

尾山在德安府城東北四十里

古文以為陪尾淮水所經

俗呼橫山

金氏

履祥曰陪尾徐州山也泗水縣桃墟西北有陪尾山

乃泗水所出

一統志陪尾山在兗州府泗水縣東五十里泗水源發于此

舊說拘

于地脈故謂即橫尾

鄭曉曰此徐州泗水所出之陪尾因安陸有陪尾故誤為一

愚按禹貢書法凡言及者以相距之近也言至者以相去之遠也太華去鳥鼠遠故曰至則陪尾亦應遠

觀經文導淮自桐柏東會於泗沂其為徐州之陪尾

明矣孔傳四山相連

疏云四山接華山而相連

東南在豫州界

王樵

曰志熊耳四山明伊洛淮水之所以治

先舉所施功之山于上而後條

列所治水于下互相備以上皆大河以南之山

按陪尾地

志云在安陸宜屬荊州金氏云在泗水宜屬徐州孔氏以安陸之陪尾在豫州界與志不合唐書天文志

曰中國地絡在南北河之間首自西傾極于陪尾故隨申光皆豫州分屬鵠火則亦以安陸屬豫州矣

鄭曉曰西傾在雍州西南自西傾而東有朱圉鳥

鼠又轉而南至于太華熊耳在豫州東南

當作西北

自熊

耳而東有外方桐柏又轉而南至于陪尾其間皆非

止一山王樵曰山川之脈皆起西北上導河之北

境故自雍而盡乎冀之東北此導河之南境故自雍

而盡乎豫之東南曾氏曰岍與西傾皆北條山故

西傾不言導其文蒙于導岍也岍嶓皆南條山故岍



山不言導其文蒙于嶠冢也

導嶠冢至于荆山內方至于大別

嶠冢見梁州荆山南條荆山見荊州漢地理志章山

在江夏竟陵縣

今承天府沔陽州景陵縣皆漢竟陵地

東北古文以為

內方山水經沔水自荆城東南流經當陽縣

今承天府當陽

縣

章山註禹貢所謂內方也愚按左傳吳自豫章與

楚夾漢杜預云豫章漢東江北地名圖經豫章即章

山一統志內方山在荊門州南一百八十里漢江之

上一名章山是也其漢陽漢川縣南六十里亦有內

方山與禹貢不應名偶同耳

湖廣名勝志章山在安陸縣城東四十里古內

方山荊州記山高三十丈周圍百餘里

漢地理志大別在六安國安豐

縣

今鳳陽府壽州霍丘縣

西南

鄭玄亦云在廬江安豐一統志霍丘縣有大別山接河南固始

界

正義左傳楚濟漢而陳自小別至于大別乃近漢

之山無緣得在安豐必在荊州界也愚按水經注漢

水東行觸大別之陂南與江合今漢陽府漢陽縣東

北漢江右有大別山是也一名翼際山一名魯山漢

水至此入江謂之沔口小別山在其西

一統志小別在漢陽府漢

川縣南十里一名甌山山形如甌

孔傳荆山內方大別在荊州漢所

經

漢水經此三山其入海尚遠

以上皆江漢北境之山 鄭曉曰

嶓冢而東至于荆山千里而遠內方而南至于大別  
千里而近

岷山之陽至于衡山過九江至于敷淺原

岷山見梁州變文言陽者明為南條之南也衡山見  
荊州正義衡即橫也東西長令人謂之嶺愚按孔傳

衡山江所經今大江未嘗經衡山也水經註云衡山

東南二面臨映湘水江水流入洞庭湖勢似中斷衡

山正與相望孔氏所云特舉地脈言之耳九江詳荆

州孔傳敷淺原一名傳陽山在揚州豫章界漢地理

志豫章郡歷陵縣

今九江府德安縣

南有傳陽山傳陽川在

南古文以為敷淺原

蔡傳晁氏以鄱陽有博陽山又有歷陵山以為應地志然鄱陽

漢舊縣不應又為歷陵江州德安近之潯陽志博陽山在德安縣南十三里根蟠三十里為一邑之鎮

按韻會敷古作敷隸作敷或作傳史世家傳錫其庶民漢文紀傳納以言是也博陽山傳陽川其字皆當

作敷敦轉為博傳訛為博耳又按通典云潯陽蒲塘驛漢歷陵縣也有敷淺原西十里有博陽山與志不合羅泌云今縣南十三里有陽居山舊經以為敷淺原名博陽山縣境僅有一水流入大江又謂博陽川乃在此山東北復與志不合潯陽志云博陽山在德安縣南十三里望夫山在德安縣西北十五里邑人或謂縣古有敷淺原登此可以望之故名望敦存其說以待考愚按德安博陽朱蔡

疑其山卑小不足表識又非山脈盡處朱子答程泰

之書云詳經文敷淺原是衡山東北一支盡處意即

今廬山

山之陽為南康山之陰為九江

若如晁氏說以為江入海處

合是今京口所過之水又不特九江而已鄭曉謂廬

山在大江彭蠡之交當南北匯水口猶導蟠冢于漢  
入江書至于大別也王樵亦謂廬山雖高而其中原  
田連亘人民錯居故名為敷淺原顏師古云博陽當  
為敷陽敷陽者敷淺原之陽也其山正在廬阜西南  
是可証敷淺原為廬阜本名矣其說皆本朱子甚有  
據但水經註稱廬山疊嶂千層崇巖萬仞周四百餘  
里最高且大恐不當有淺原之目及考爾雅廣平曰  
原而敷淺之名尤不似山水經注敷淺原地在豫章

歷陵縣西南

羅泌曰水經所載禹貢山川澤地凡六十稱地者四流沙九江東陵敷淺原也

若作地名與導水至于東陵一例于敷淺原之稱甚

合特未詳果在歷陵否耳以上皆江漢南境之山又

按過九江孔傳衡山連延過九江接敷淺原朱子主

禹過說蔡傳因之謂岷山之脈其北一支為衡山盡

于洞庭之西其南一支度桂嶺

在湖廣郴州

包瀟湘之原

而北經袁

今袁州府

筠

今瑞州府

之境以至敷淺原

按敷淺原在衡山北

而曰南支者以其二支之間湘水間斷衡山在湘水環出北支之南也

西南敷淺原在湘水東北其一支又南而東度庾嶺

在江西南安府包彭蠡之源以北盡于建康其一支則又東

包浙江之源而北其首以盡會稽南其尾以盡閩粵

也經文正舉前二支金氏曰岷山之陽東出一支為衡山其南行而東者為嶺包瀟湘之源而又一支

北向以至敷淺原故禹自衡山過洞庭而至敷淺原也大抵過九江與導岷逾

于河同義近秦繼宗徐常吉郝敬皆左朱蔡而右二

孔今備其說待詳鄭曉曰自岷山而東至衡岳為

遠自衡岳而北至敷淺原為近



陳氏標曰岍岐一列河濟所經既入海矣何下文導河導沆二條又各言入于海歟意者當時水患河濟尤甚比江漢淮用功尤難故自發源以至入海先之相視疏導後之開鑿濬導必極于歸宿之地若江漢淮之屬則先行疏導且可至陪尾大別敷淺原而止下文方自源徂流言之歟 鄭曉曰導岍及岐一條從河西北迤邐而東南西傾一條從河西南迤邐而東北此雍梁豫冀兗徐六州表裏之山導嶠冢一條

從漢西北迤邐而東南岷山一條從江西南迤邐而

東北此梁荆揚三州表裏之山

程泌曰導山獨言雍梁冀豫荆揚之山而

充青徐不記焉蓋三州之山絕在東河之東不與西屬各于其州見之矣

導山不及濟

淮洛渭者王屋則濟也鳥鼠至桐柏則伊洛淮渭也

鄭康成以為四列正此至所謂隨山疑禹只循行關

要將天下水脈大勢統會胸中其餘皆更宜遣官各

處浚治若必一一禹自親歷山必臨巔水必窮源雖

八年奈之何哉 唐僧一行言山河兩戒頗合禹貢

北戒自三危積石負終南地絡之陰東及太華逾河  
並雷首底柱王屋太行北抵恒山之右乃東循塞垣  
至歲貊朝鮮是謂北紀以限戎狄南戒自岷山蟠冢  
負地絡之陽東及太華連商山熊耳外方桐柏自上  
洛南逾江漢攜武當荆山至于衡陽乃東循嶺徼達  
東甌閩中是謂南紀以限蠻夷故星傳謂北戒為胡  
門南戒為越門河源自北紀之首循雍州北徼達華  
陰而與地絡會並行而東至太行之曲分而東流與

涇渭濟瀆相為表裏謂之北河江源自南紀之首循  
梁州南徼達華陽而與地絡會並行而東及荆山之  
陽分而東流與漢水淮瀆相為表裏謂之南河故弘  
農分陝

今陝州

為兩河之會自陝而西為秦涼北紀山

河之曲為晉代南紀山河之曲為巴蜀皆負險用武  
之國也自陝而東為成周宋鄭陳蔡邶衛申隨皆四  
戰用文之國也北紀之東至北河之北為邢趙南紀  
之東至南河之南為荆楚自北河下流為三齊北燕

自南河下流為鄒魯吳越皆負海之國貨財之所阜也自河源循塞垣北東及海為戎狄自江源循嶺徼南東及海為蠻越

天官書東井西曲星曰鉞鉞北北河鉞南南河北南北兩戒之所分

魏校曰南絡發于崑崙之東委蛇南行其背為西戎其面為中國而其餘氣為南蠻葱嶺自起為祖南起雪山其東為江源地脈因界為二江以南仍為南絡其北別為中絡與大河分為兩戒南絡蓋與岷山別祖折而南行東出為五嶺乃折而北大盡于建康

而長江至此入海自昔以為帝王都矣 王樵曰山  
本同而末異故導山言某至某者其勢漸分水本異  
而末同故導水各言所自所會所入者其勢漸合  
鄭漁仲言山過山則分水過水則合愚謂山過山則  
分雖分而性不分其脈理通也水過水則合雖合而  
性不合其色味別也

禹貢長箋卷十

欽定四庫全書

經部

禹貢長箋卷十一

詳校官監察御史臣劉人春

通政使司副使臣莫瞻菴覆勘

總校官編修臣王燕緒

校對官中書臣李斯咏

謄錄監生臣馮國柄



欽定四庫全書

禹貢長箋卷十一

吳江朱鶴齡撰

導弱水至于合黎餘波入于流沙

此下濬川也弱水見雍州孔傳合黎水名在流沙東

正義弱水得入合黎知合黎是水此水出合黎山因

山為名

鄭玄及蔡傳皆作山名雍大記合黎山在陝西行都司甘肅州衛城西北四十里張掖河水

出其北舊陝志弱水在甘肅州衛西環合黎山東北入東萊界

漢地理志張掖郡刪

丹縣桑欽以為導弱水自此西至酒泉合黎

酒泉今陝西肅

衛州居延澤在張掖郡居延縣東北古文以為流沙正

義酒泉在張掖西如志言合黎屬酒泉居延屬張掖則流沙在合黎之東按經弱水西流既至合黎餘波入于流沙當如傳文合黎在流沙之東不得在其西也愚按金氏謂居延澤即古合黎澤與志不合史記正義云合黎水出臨路松山東北流經張掖縣二十三里又北經合黎山山在張掖縣西北一百里折而北經流沙磧之西入居延海即古居延澤行千五百里又考雍錄流沙

出葱嶺之西

葱嶺註別見

舊陝志大秦國西為弱水流沙

去長安四萬里而杜佑謂流沙在沙州西八十里其沙隨風流行故曰流沙唐沙州城在今肅州衛城西八百餘里則流沙亦豈極遠地哉唐樞言自祁連合

黎北張掖河

即合黎水俗名黑河

諸水俱北注亦集乃河

即居延海

指掌圖亦集乃路在甘州北千五百里東北有大澤漢之西海郡居延城

西入峽口穿沙

磧繞出為黑水放于南海禹導弱水不言其所極蓋有黑水為續其說未知何據大抵西北之地都是沙

磔

裴矩西域記自高昌東南去瓜州千三百里並沙磧乏水草四面茫然北史魏太武分道出西域一

自玉門流沙西行至鄯善一自玉門度流沙北行至車師自鄯善西至且末七百里而遙且末國有大流

沙數百里則流沙非一地矣

史書所謂河沙諸國佛書所謂沙界

恒河沙是也沙則水滲而下入于流沙餘波盡消故

不言入海耳程大昌曰導弱水至于合黎則其逆者

已順

此正流也

其遠而無所事治者固不必極之於西海

近而無能為害者亦任其餘波之入于流沙則已矣

故于雍止曰既西于導水不曰入于西海皆紀實也

唐書西域傳吐谷渾西北有流沙數百里夏有熱風傷行人風將發老駝引項鳴埋鼻沙中人候之以毡蔽鼻口乃無恙一統志古沙州城南七里有鳴沙山沙如乾糖天氣清朗沙鳴聞數里外五代史于闐傳瓜州南十里鳴沙山云冬夏殷殷有聲如雷即禹貢之流沙也正義此下所導九水

亦自北為始弱水最在西北水又西流故先言之黑水雖在河南水從雍梁西界南入南海與諸水不相參涉故又次之四瀆江河為大河在北故先言河也漢入于江故先漢後江濟發源河北越河而南與淮俱為四瀆故次濟次淮其渭與洛俱入河故後言之

蘇傳弱水不能載物入居延澤中不復見此水之絕異者也黑水漢水與四瀆皆特入海渭洛皆入河達冀之道故特記此九者餘不錄也

導黑水至于三危入于南海

黑水見雍梁二州三危見雍州正義按水經黑水出張掖雞山南流至燉煌過三危山南流入于南海然張掖燉煌並在河北所以得越河入南海者河自積石以西多伏流故黑水得越河而南也

程大昌曰漢張掖唐甘州

燉煌者沙州也甘州之水皆入積石河河流竟東則其水已非南向況積石既在其南亦無緣可以截河

而過愚按地志黑水出犍為郡南廣縣汾關山不言張

掖有黑水然汾關黑水非禹貢所指蔡傳並引之而

不置辨惑矣黑水在雍梁間郭璞云出崑崙山

金氏曰出

崑崙南谷一統志黑水源出肅州衛城西北一十五里今鎮

夷城南五里有黑水渡而括地志則云黑水出伊吾

縣北百二十里伊吾唐伊州

史記正義云黑水源在伊州漢屯田於此

即

今哈密衛

南去玉門關八百里東去陽關二千七百三十里

又在肅州西一

千五百餘里

唐書北庭都護府有葉河守捉波黑水七十里有黑水守捉蓋即此黑水蔡

傳中國山勢岡脊皆自西北而來積石西傾岷山岡

脊以東之水既入于河漢岷江其岡脊以西之水即

為黑水樊綽曰西夷之水南流入于南海者凡四曰

區江曰西洱

音耳

河曰麗水曰彌諾

音眉若

江皆入于南

海其麗水即古黑水也三危山臨峙其上程大昌曰

樊綽以麗水為黑水恐狹小不足為界所稱西洱河

通典一名昆彌池

與漢志葉榆澤

地理志葉榆澤在益州郡葉榆縣東水經東南過交



陟郡東界入海相貫廣處可二十里既足界別二州其流正

趨南海又漢滇池

漢志益州郡在蜀郡西南三千餘里有滇池縣

即葉榆之

地武帝初開滇

音

雋時其地有黑水舊祠夷人不知

載籍必非附會而綽及道元皆謂此澤以榆葉所積

得名則其水之黑似榆葉積漬所成且其地乃在蜀

之正西又東北距宕昌不遠

宕州宕昌郡唐置故城在今岷州衛城南一百

二十里宕昌即三危之地與三苗之叙于三危者又為

相應也韓邦奇曰黑水自雍之北境直抵梁之南境

乃一大水橫過二州西界今四川止疊溪千戶所有  
黑水合汶江經茂州安縣入羅江漢地志黑水出犍  
為郡南廣縣汾關山符即今叙州府慶符縣以志山  
符二字故縣以慶符名今慶符有黑水蔡傳少一符

字按漢志汾關山符黑水所出水經注符黑水出廣  
南郡廣南縣導源汾關山北蓋漢犍為有符縣汾  
關山在廣南是言符縣之黑水出此耳水經注本了  
然若以汾關山符為句于義難通且漢志未嘗有山

符縣也而其水乃自西夷中來北流入江漢志亦謂黑

水北至夔道入江且安縣黑水在成都北叙州黑水

在成都南一入羅江一入大江于經文至于三危入  
于南海不合雍之黑水五亦各異源與經文志傳皆  
不合獨肅州衛城西十五里黑水所出與漢志相近  
而水經引之云南過燉煌今肅州西沙州東西即其  
地也又云南流入于南海則當遂入于梁梁全無考  
豈梁雍西界各自有黑水為界與導黑水之黑水不  
相涉歟程氏又謂葉榆澤為黑水之源葉榆即西洱  
海出今雲南大理府鄧川州點蒼山匯為巨湖周三

百里去雍之三危南北數千里又不經流梁境又不

出于張掖顏師古亦謂滇池西北有黑水祠

地理志滇池澤

在滇池縣西北有黑水祠楊慎曰黑水祠在今雲南昆明縣之官渡

豈黑水既入西域

故人莫得而知又南至西洱海復入中國又流入于

南海歟然不可考矣若牽合以為相屬則燉煌在肅

州今屬敵是極北境葉榆在大理是極南境梁境黑

水是疊溪黑水斷非導黑水之黑水也至謂水黑為

榆葉之積梁雍為黑水者凡七漢中亦有黑水未聞

皆榆葉落其下也

杜佑曰漢志滇池有黑水祠而不記水之所在酈道元註水經銳意

尋討亦不能知黑水所經之處顧野王撰輿地志以爲至楚道入江其言與禹貢不同未爲實錄按韓

苑洛疑雍梁二州是而黑水不通魏莊渠言本一黑水觀導黑水至于三危入于南海一黑水爲得雍

錄云黑水遠矣在唐爲小勃律以顧起元曰雍州黑及交廣皆是是亦以黑水爲一也

水有六若入積石河則是平涼及寧夏之黑水而非

張掖之黑水也今肅州有黑水南流去積石凡三百

里不與積石河相通此爲禹貢之黑水無疑但其去

南海遼遠而交南久棄無從考其入海之道唐咸通

中懿宗

樊綽宣慰安南誌其所親見山川而以麗水為

黑水但綽所案行者西南諸夷而未及于西北其所  
稱麗江得其下流而不知其上源乃程氏不取其所  
稱麗水而指其所稱西洱河引古黑水祠在益州者  
為証不知此成都安縣南之黑水而非禹貢之黑水  
也元金仁山又謂西南諸水合而為瀘水夷人謂黑  
為瀘瀘水即黑水也至交趾又名歸化水廣處如江  
東南入海海道圖自名黑水口考四川行都司城南

有瀘山瀘水所出何得以瀘為黑又交趾海口並無

所謂黑水口則金氏之言豈足信歟

按通典云吐蕃有可跋海去赤

嶺百里方圓七十里東南流入西洱河合流而東號漾濞水又東南出會州為瀘水瀘水即黑水也程氏

金氏之說蓋皆本杜佑漾濞水見唐書今在大理之西百里土人訛作漾備

李元陽曰黑

水之源不可窮而入南海之水則可數隴蜀無入

南海之水今惟雲南瀾滄江潞江

舊名怒江

二水皆由吐

蕃西北來與雍州相連但未知果出張掖否水勢洶

湧並入南海豈所謂黑水者乎然潞江西南趨蜿蜒

緬中內外皆夷其于梁州之境若不相屬瀾滄由西北迤邐向東南歷雲南諸郡界至交趾入海今水內皆為漢人水外即為夷緬則禹之所別州界者唯瀾

滄足以當之孟津之會曰鬐人

今雲南北勝州楊慎云即漢之賓叟地在

蜀之邊

濮人

今雲南順寧府楊慎云諸濮地與哀牢相接哀牢即永昌濮人今名蒲蠻濮蒲字音

相近而訛

以今考之皆在瀾滄江內則瀾滄之為黑水無

疑矣地理志謂南中山曰昆彌水曰洛山海經曰洱

水西南入于洛

西洱河出大理府浪窮縣羅谷山下數處湧起如珠樹相傳即黑水伏流



由石穴中出會瀾  
滄江而入南海

瀾滄江又名洛水言脈絡分明也

元史至正八年張立道使交趾並黑水跨雲南以至  
其國觀此則瀾滄之為黑水益明若三危山即不在  
麗江當亦不遠古今山川之名因革不可紀極夫不  
可移者山川之蹟也隨時異者山川之名也不據不  
可移之蹟而據易變之名亦末矣說者但謂隴在蜀  
之北蜀在滇之東北而禹貢黑水為雍梁二州界又  
入南海故不得不疑其跨河知跨河非理又不得不

疑其湮涸曾不知隴蜀滇三省鼎立隴則西南斜長  
入蜀滇則西南斜長近隴蜀則尖長入滇隴之間如  
三足襜然黑水之源正在襜頭故雍以黑水為西界  
對西河而言也梁以黑水為南界對華陽而言也蓋  
各舉兩端若曰西河在雍東黑水在雍西華山在梁  
北黑水在梁南云爾所謂梁州可移而華陽黑水之  
梁州不可移也茅瑞徵曰雲南是梁州域以二大江  
為界東北曰金沙

古名麗水楊慎云即瀘水

西南曰瀾滄二江之

源皆出吐蕃流逕雍州而入雲南金沙自雲南北界  
入東海瀾滄自雲南南界入南海金沙在漢書為若  
水瀾滄在禹貢為黑水愚按黑水証據互異主張掖  
者不符南海之文主滇池者難合三危之蹟考一統  
志瀾滄江源出雍州南吐蕃鹿石山本名鹿滄江後  
訛瀾滄自麗江經雲龍州東南流入永昌蒙化順寧  
景東交趾乃入南海

漢書名博南津

然志但稱出吐蕃未見

其必自張掖經燉煌如桑欽所指也或云雲龍州西

五里有三崇山頂有三峰即三危山楊慎亦云三危在雲南麗江

其說本之樊綽

此後人附會之說豈足據乎

羅泌曰弱黑二水塞外之橫流失其故道而為我民患者也今為中國治之則決其奔突而注之塞外則已矣又奚必由塞外決之以入于流沙南海而後已哉計弱之距流沙與黑之距南海皆數千里而遙然導弱必至合黎而納餘波于流沙導黑必至三危而入其流于南海禹之心一視夷夏視西戎之民無以

異于梁雍之民此天地所以為大也

導河積石至于龍門南至于華陰東至于砥柱又東至于孟津東過洛汭至于大伾北過洛水至于大陸又北

播為九河同為逆河入于海

孟漢書作盟洛注疏作降鄭讀戶江反

朱子曰河為四瀆宗

穆天子傳曰河與江淮濟三水為四瀆河曰河宗四瀆之所宗

也釋名瀆獨也各獨出其所而入海

發源西北故叙中國之水以河為

先積石龍門見雍州山海經積石之山其下有石門河水冒以西南流王應麟曰積石在鄯州龍支縣西

九十八里黃河在縣西南六十里禹導河始此河州

枹

音夫

罕縣積石山一名唐述山

羌人目鬼為唐述傳其山有神人往還也

在縣西北七十里今人目龍支縣山為大積石山此

名小積石山

史記正義河出大崑崙東北隅東北流經于闐入鹽澤即東南潛行至吐谷渾

界大積石山又東北流至小積石山河始闐

杜佑曰積石之西砂鹵之地

河流小地勢復高不為人患不須疏鑿故施功始于

積石班固謂河從蒲昌伏流至此方出斯未詳也正

義河從積石北行又東乃南行至龍門計應三千餘

里傳謂或鑿山或穿地以通流

龍門底柱鑿山也其餘平地穿地也言

自積石至海皆然也

按李復云同州韓城北有安國嶺東西四千餘里東臨大河瀕

有禹廟在山斷河出處自東受降城以東至此皆禹疏鑿此正與疏合蔡傳疑之固矣朱子曰禹未經

鑿治時龍門正道不甚泄一派西入關陝一派東往河東為患尤甚禹自積石至龍門施功最多其上則

散從西域去

李復曰大河自北而南盤東山硤之間千數

百里及至龍門山高岸濶豁然奔放聲若萬雷華陰

華山之北梁州東據華山之陽則華陰為雍州境矣

程大昌曰黃河自鹽澤達潼關

在今西安府華陰縣

凡四大折

由積石而逕湟中則鄯蘭也是一折也至靈州西南  
遂轉北行凡千餘里北河西岸即為涼肅甘沙四郡  
是又一折也迨其北流千里而遙至九原豐州則又  
轉而東流故豐州北面正抵大河是又一折也豐州  
之東為榆林北境河從此州之東又轉而南故勝州  
北東兩面皆抵大河自此直至潼關是又一折也

陝西

志河經積石至河州東北受九水至臨洮又東受湟  
水至蘭州又北受高平水至寧夏東又東過新秦中  
北受五水至閭陽又南受十三水出龍門又南受七  
水至華陰大抵自河源至華陰通計九千餘里

鄭



曉曰禹貢書法互見導山則叙河東之山如壺口底雷首太岳導河則叙河西之山如龍門華陰是也

柱見導山

水經注自底柱以下五戶以上其間一百一十里河水竦石桀出勢連襄陸合有一

十九灘五戶灘名也

正義孟地名

今懷慶府孟縣

津渡處杜預云河內

河陽縣南孟津也在洛陽城北都道所湊古今嘗以  
為津武王渡之水經註八百諸侯來同此盟亦曰盟

津後世名富平津正義洛汭在河南鞏縣東

今河南府鞏縣

洛水入河處一名什谷

張儀說秦塞什路之口即此

程若庸曰洛

既北入于河河之南洛之北其兩間為汭言在洛水

之內也正義大邳黎陽縣

今大名府濬縣

山臨河

括地志名黎陽東山

在黎陽縣南七里一統志大伾山在濬縣東二里高四十丈周十五里

蔡傳孔氏曰山

再成曰邳

或作邳又作邳爾雅再成英一成伾李巡註山再重曰英一重曰邳與傳異

張

揖以為成臯

水經河水東逕成臯大伾山下是亦以大伾在成臯

鄭玄以為

修武

今懷慶府修武縣

武德

故城在今懷慶府城南五十里

界按黎陽山在

大河垂欲超北之地故禹記之若成臯之山既非從

東折北之地又無險隘如龍門砥柱之須䟽鑿西去

洛汭既已太近東距洛水大陸又為絕遠當以黎陽

者為是

黃度曰黎陽有津梁雍渡河自蒲津荆豫自孟津青兗自黎陽津

漢地理志

洛水在信都國信都縣

今真定府冀州

水經注漳水又北洛

水出焉洛水故瀆逕南宮城

今南宮縣屬真定府冀州

北又北逕

信都城東連廣川縣

今河間府景州

之張甲故瀆

地理志張甲河首受

屯氏別河東北至修入漳水

同歸于海程若庸曰周時河徙矜礫

至漢又改向頓丘

註見兗州

東南流與禹河迹大相背戾

漢志魏郡鄴縣有故大河在東北直達于海疑即禹

之故河孟康以為王莽河非也古洛瀆自唐貝州

今廣

平府清河縣

經城北入南宮

金史南宮下有泲水枯瀆

貫穿信都大抵

北向而入為合北過泲水之文

左傳疏大伾以上河道不改大伾以下即

是汲郡以東河水東流秦漢後始然也古之河道自大伾而北過泲水故跡不可復知

愚按古

泲水一統志在冀州治北俗名枯泲渠自漳水斷而

泲水亦輟流其源遂莫考桑欽所言泲水出屯留縣

西南

史記正義泲水出潞州屯留縣西南方山

東入漳者豈即信都之泲

如泲水之入河而還出乎宋張洎以為即濁漳則謠

矣大陸見冀州史記河渠書禹以河高水湍悍難行

平地乃廝二渠

廝漢書作醴孟康曰醴分也二渠一出貝丘西南南折者也一則深川貝

丘河自王莽時空但用  
深耳王莽河詳兗州

引而北載之高地過泮水至

大陸

爾雅訓陸為高平知大陸乃地之高者陳子龍曰載河高地使沿太行之麓以北此測量水平

之法蓋其原高者其委不得遂卑升之高而不失就  
下之性也黃度曰地說以大伍為地喉言河自此

始北行也大陸為  
地腹言水所鍾也

九河見兗州張洎曰河自魏郡貴

鄉縣

令大名府  
元城縣

分為九道下至滄州合為一河今其

東界至莽枯河是也趙偁曰河自孟津初行平地必  
須全流乃成河道禹之治水自冀北抵滄棣始播為

九河以其近海無患也正義九河將至海更合同為

一大河名逆河入于渤海鄭玄云逆河言相向迎受

蘇傳作以一迎八而入海意逆河即河之經流蔡傳逆河以海水逆潮而得

名初學記海口有朝夕潮以迎河水河上播為九下同為一其分播

合同皆水勢之自然禹特順而導之耳朱子曰逆河

是開渠通海以洩河之溢秋冬則涸春夏則泄王橫曰禹

因地之形逆設為河以防暴至之患未至則不妨民耕既至則不墮民舍故曰逆河按橫是漢人故有此

議然以解漢地理志河水行塞外東北入塞內至渤

經則鑿

海郡章武縣

故城在今河間府鹽山縣

入海過郡十六

按水經大河逕燉煌

酒泉張掖西海隴西西平金城武威安定北地朔方五原雲中定襄西河上郡河東京兆弘農河南河內陳留東郡魏郡清河平原渤海凡二十七郡

行九千四百里水經河水自

蒲昌入塞出積石山過燉煌酒泉張掖郡南又自東

河曲逕西海郡

在今陝西都司西寧衛城西三百餘里

南又東過隴西

河關縣北又東北流入西平郡

即今西寧衛古湟中

界又東過

金城允吾縣

故城在今臨洮府蘭縣西南五十里

北又東逕浩疊門縣

故城

在臨洮府金縣西二十里

南又東過榆中

故城在今臨洮府蘭縣西二百里蒙恬

為秦開榆中地即此後  
世榆林塞自在上郡

天水縣

漢牧苑地

北又北過武威

媼圍縣

未詳

東北又東北過安定祖厲縣

故城在靖虜衛城西南一

百三十里

西北又北過北地富平縣

今河套地

西又北過朔方

臨戎縣

今河套地

西又北屈而為南河迤西溢窳渾縣

今河

套地西漢朔方郡治

東又屈而東流為北河又南逕陰山西又

東南逕朔方縣故城

詩城彼朔方

東北東逕渠搜縣城

見注

雍州北又東逕五原稠陽城

古豐州在今大同府

南又東過雲中

楨陵縣

註見冀州

西北又南過定襄桐過縣西又南過西



河圉

音銀

陽縣

圓水出上郡即無定河

東離石

今屬汾州府

中陽縣

今汾

州府孝義縣

西又南過上郡高奴縣

今延安府安塞縣

東蒲子縣

西魏汾州治

西又南過河東北屈縣

今平陽府河津縣

西又南出

龍門口汾水東來注之

詳冀州

又南逕梁山東

道元云在馮翊

夏陽縣西

又南過汾陰縣

今平陽府榮河縣

西郃陽縣

今西安府郃陽縣詩

在郃陽之

東又南過蒲坂縣

今平陽府蒲州

西又南過雷首山西

又南至華陰潼關渭水西來注之

詳雍州

又東逕湖縣

今河南府閿鄉縣

北又西逕陝縣故城

今河南府陝州

南又東過砥

柱間又東過平陰縣

今開封府河陰縣

北河陽縣

今河南府孟津縣

南又東逕洛陽鞏縣北洛水西北流注之

詳豫州

又東

過成臯縣

今開封府汜水縣古東虢地

北濟水北來注之

濟水出王屋山

而南截河渡正對成臯

又東過滎陽縣

見豫州

又東逕卷縣

故城在今

開封府原武縣西北

北武德縣

註見前

東酸棗縣

今開封府延津縣

西又

東北通謂之延津又東淇水入焉又東右逕滑

臺城

故東郡治

又東北過黎陽縣

註見前

南又東北為長壽

津

俗名王莽河在頓丘

又東北逕繁陽縣故城

存今大名府內黃縣東六十里

東又東北逕昌樂縣

故城在今大  
名府南樂縣

東又東北逕元城

縣

今屬大  
名府

西北而至沙丘堰

春秋沙鹿崩即此  
在今大名府城東

至于

大陸北播為九河

漢屯氏河從沙丘堰而分道元云  
自堰以北館陶廩陶貝丘禹般廣

光信都東光河間樂成以東城地並存川瀆多亡鄭  
樵云東北過館陶為屯氏河過靈縣為鳴犢河又北  
過平原又東北過渤海千乘又東北過  
甲下邑別出一枝入濟又東北入于海

黃承玄曰考

近志河自積石至河州逕蘭州寧夏出塞外東北至

古東勝

在大同府城  
西五百里

廢武州

在朔州西一  
百五十里

復南入中

國西則為陝西界凡歷延安西安二府起府谷神木

吳堡清澗延川宜川韓城郃陽朝邑以至華陰潼關  
東則為山西界凡歷大同太原平陽三府起河曲保  
德興縣寧鄉石樓永和大寧吉州河津滎河蒲州南  
望華陰為西河而龍門之險在韓城東北境與河津  
值呂梁之險在石州即永寧州西境與郃陽值壺口之險  
在吉州西境雷首之險在蒲州東境南傳所稱孟門  
之險即在龍門以上亦吉州西界也又自蒲而東逕  
芮城平陸垣曲俱屬平陽入河南懷慶之濟源孟溫武陟

曰河內自華陰而東入河南開封二府逕閭音鄉靈

寶陝州澠池新安洛陽孟津鞏縣偃師俱屬河南河陰滎

澤原武延津俱屬開封西北望大伾曰河外為南河而底

柱之險在陝州東界析城王屋之險在澤州陽城濟

源由此過鞏之洛汭濬之大伾此禹貢所載今郡縣

可考也其東河則洛水而大陸而九河而逆河而碣

石入海雖亦禹貢所載而今郡縣並不可指名焉如

以地形揆測當在今大名真定河間及古北平營遼

之間鄭曉曰河自積石北行東轉又折而南至龍門自龍門而南至華陰所謂雍河冀之西河也自華陰而東至大伾所謂豫河冀之南河也自大伾而北至九河所謂兗河冀之東河也程若庸曰自洛汭以上山水名稱跡道古今如一大伾以下不特水道難考雖名山舊常憑河者亦復不可究辨非山有徙移也河既變遷年世又遠人知新河之為河不知舊山之不附新河也輒並河求之安從而得舊山之真歟

爾雅河出崑崙虛

漢武帝按古圖書名河所出山曰崑崙

色白并千七

百一川色黃註云源高激湊故水色白潛流地中受

渠多沙壤混淆故水色黃漢書河有兩源一出葱嶺

水經

註河水重源一源西出身毒之國葱嶺之上西逕屬賓諸國北月氏國南葱嶺在今于闐國西南于闐在

肅州衛西南

六千三百里

一出于闐于闐在南山下

水經註南源出于闐國南

山于闐西去皮山國三百八十里東去陽關五千餘里陽關在今沙州衛城西一百五十六里

其河

北流與葱嶺河合東注蒲昌海蒲昌海一名鹽澤

山海

經水經作泐澤史記于闐以西水皆西流注西海其東水皆東流注鹽澤為河源鹽澤在今火州土魯番

西南去玉門陽關一千三百餘里去長安可五千里廣袤三百里其水停居冬

夏不增減皆以為潛行地下

河自蒲昌伏流

南出積石為中

國河唐長慶中

穆宗

薛元鼎使吐蕃自隴西成紀縣

今鞏

昌府秦州

西南出塞二千餘里得河源于莫賀延磧尾曰

悶磨黎山

地在劔南之西東距長安五千里

其山中高四下所謂崑

崙也東北流與積石河相連河源澄瑩冬春可涉下稍合衆流色赤行益遠他水並注遂濁吐蕃亦自言崑崙在其國西南鄭樵言河源有三正源出崑崙東



北陬而東行一源出天竺葱嶺一源出于闐南山三

河合而至積石

初學記河源出崑崙東流潛行地下至規斯山北流分為二一出葱嶺一

出于闐

或云張騫窮河源止葱嶺爾故西域傳但言葱

嶺于闐兩源而沒其正源也元世祖至元十七年命

學士都實

一作富察篤實

往窮河源言出吐蕃朶甘思西鄙

有泉近百泓方可七八十里沮洳渙散登高望之若

列宿然名星宿海

在中國西南直四川馬湖蠻部正西三千餘里雲南麗江宣撫司西

北一千五百餘里

羣流奔湊近五七里匯為二巨澤自西而

東連屬成川號齊賓河又合齊爾綽呼喇雅爾楚三

河流寢大始名黃河行二十日至大雪山即崑崙也

又合細黃河北行折而西過崑崙北又折而東北行

約二十日至貴德州地名博勒齊爾始隸河州又四五日至

積石州即禹貢積石又自河州安鄉關東北行合洮

河水至蘭州城下

臨川朱思本所譯梵字圖書言黃河所歷皆西番地至蘭州凡四千

五百餘里始入中國又東北流過胡地凡二千五百餘里始入河東境

世言河九折蓋

彼地有二折云

以上河源考

自禹迄周河不為患者千五百餘年定王五年始決

漢文時決酸棗東潰金隄

溝洫志淇口東十里  
有金隄東即遮害亭

武帝

時決瓠子東南決鉅野通淮泗

古今河患惟此為甚  
梁楚二十餘歲不登

帝親沈璧馬塞之築宮其上名宣防

一作房防  
房古通用

導河

北行二渠梁楚獲寧後又北決館陶分為屯氏河復

播為八東北經魏郡清河信都渤海入海元帝時決

清河靈鳴犢口而屯氏河塞成帝時決館陶及東郡

金隄入平原千乘濟南後又決平原決渤海

今景滄  
武定等

州 決清河決信都至隋煬帝引河入汴引汴入淮而

河淮始通矣

煬帝開通濟渠自西苑引穀洛水達于河後自坂渚引河與沁合流入于泗初

學記煬帝于衛縣因淇水入河立淇門以通河東北行得禹九河故道隋人謂之御河 宋初大

決濮陽又決陽武太宗時大決滑州韓村東南流至

彭城界真宗時滑州河溢歷澶濮曹鄆注梁山泊又

合古汴渠東入淮仁宗時決商胡埽復決大名館陶

富弼主李仲昌

垂子

議穿六塔河塞商胡北流入六塔

河不能容復大決死者數十萬人神宗熙寧時屢決

思瀛澶衛等州王安石主程昉議開二股河導河而

東北流斷絕

自魏之北至思冀乾寧入海是謂北流

河道南徙東匯于

梁山張澤灤

在東平州西

分二派一合南清河入淮

河決入鉅

野溢于泗以入淮者謂之南清河即今清河

口一合北清河入海

由汶合濟至滄州入

海者謂之北清河即濟水故道

凡灌郡縣四十五而濮齊徐鄆為甚

壞田踰三十萬頃又決鄭州滎澤元豐時河復歸北

決小吳大吳埽自澶注入御河哲宗即位又決大名

文彥博呂大防主回河東流之議功卒不成

時議黃河以界

契丹河北行則失中國之險為契丹利

元符初決內黃口東流斷絕

自魏

恩東至德滄入海是謂東流

金之亡也河始自開封北衛州

今衛輝府

決入渦河以入淮元順帝時河暴溢北決並河郡邑

以至曹州從賈魯議塞北河疏南河發丁夫十五萬

挽河東行由淮入海而汝潁之兵動矣明初洪武二

十四年河決原武之黑羊山

屬開封府

東經開封城北五

里又南行至項城

屬開封府

經潁川潁上縣東至壽州正

陽鎮全入于淮而故道遂淤

舊河在開封府城四十里東至歸德府虞城縣

達濟寧  
川界

永樂時復疏故道築隄導河經二洪南入淮

通漕因罷海運正統末決滎陽衝張秋又決孫家渡

全河南徙

自是汴城在河之北

景泰中復決張秋徐有貞作九

堰八閘濬漕渠四百餘里名廣運渠河流始安弘治

初決原武支為三一衝張秋長堤一趨中牟下尉氏

一溢蘭陽至宿州合汴河白昂築長堤過河入淮復

古汴河導汴入泗又疏下流諸河河南以寧繼又決

黃陵岡劉大夏先疏祥符滎澤上流又疏賈魯舊河

四十里然後于黃陵東西各築長堤三百里金龍口

二百里河由歸德徐州以達之淮張秋決口始塞名

安平鎮

鎮在陽穀縣境

正德時決曹縣并決沛縣飛雲橋入

運嘉靖初飛雲橋水北徙魚臺穀亭十三年決開封

趙皮寨入淮是年河忽自夏邑

屬歸德府

趨東北經蕭縣

出徐州小浮橋下濟二洪趙皮寨尋塞十九年又決

野鷄岡由渦口入淮二洪大涸自後河勢分流所在

多淤遶豐沛漫秦溝

在豐沛間

入運朱衡始開新河

起南陽湖



至留城

隆慶時決睢寧

屬淮安府

高家堰大潰淮水東趨桃

清

桃源清河

萬厯初潘季馴築高家堰故道盡復其後河

北決蓮花口又決荊隆口衝張秋已復南三十一年

決黃莊浸豐沛李化龍始開洳河

起李家巷口下至直河口洳河以嶧

山東西兩洳水來會故名于慎行曰洳河出費嶧諸山左合沂武南入于淮

崇禎中決睢

虹

睢寧虹縣

注歸仁隄

在泗州護皇陵

又決長山淹邳宿

邳縣宿遷

末

年決開封勢又漸北

以上河決考

宋史河渠志河出三門集津過虎牢奔放平壤吞吐

小水以百數勢益雄猛故虎牢迤東距海口二三千  
里恒被其害宋為特甚始自滑臺大伾嘗兩經汎濫  
一時建議必欲回之屢塞屢決至南渡而後貽其禍  
于金源氏由不能順其就下之性也丘濬曰古時河  
水有所緒如鉅野梁山之類又有所分如屯氏赤河  
之類雖以元人排河入海而東北入海之道尚微有  
存者今則河淮合一而清口又合沁泗沂三水同歸  
於淮以一淮受衆水之委欲其無潰不可得已鄭曉

曰河不決于底柱之上者河由兩山中行也出底柱則平原廣野并受關東諸山之水水流益多水勢益大地形益卑水勢益急虞夏以前皆都在底柱之上

商初都亳

西亳

亦在諸山中書所謂適于山降凶德是

也以後殷數遷都就水利反受其害

盤庚自耿遷亳從河北而河南

也至武乙又遷河北

至周之衰井田漸廢侯國爭水利者築隄

以封已避水害者亦築隄而壑鄰隄日多水日東決溢之禍所由來也又曰本朝黃河之役比漢唐以後

不同逆河性挽之東南行濟漕運故河患時時有之  
自海運既罷中灤運又罷專由邳溝入淮沂河以達  
會通河故河不得如禹貢故道入北海而河之東南  
行者又分數道蓋自經汴以來支流益演南出二道  
皆經入淮東南出五道皆合漕以入淮乘淮入海今  
數道皆塞止存徐沛一道河流大而所受狹不能容  
勢必橫溢而決決而東南有山限閼為禍不大決而  
東北非東昌則河間等處故往歲張秋之潰運道不

通為禍不小既防決臨清又防決濟寧又防決徐州  
又防決潁壽以犯鳳陽又欲遏其流不南出不北走  
循我運道而接江淮之舟此其計誠難也

徐階曰明興九河之

迹既遠然其始自汴而出者河猶有六出滎澤者至壽州入淮出祥符者至懷遠入淮出長垣者至陽穀入漕出曹州者至魚臺入漕出儀封者至徐之小浮橋入漕出沛之南者飛雲橋入漕出徐沛之中鏡山之北者溜溝入漕此猶有禹分之遺意其後或塞或微或并為二或合為一而河之道愈寡其力愈專則其決固宜王樵曰嘉隆以來雲梯關海口

在淮安

有漲沙甚

大是以上流益壅徐州河身高于城郭呂梁無復昔

日之險徐沛淮揚數百里間幾乎閭殫為河矣黃水  
至漫入寶應湖說者謂河有注江之勢夫河若入江  
尚有淮揚耶袁黃曰河水半混泥沙急則行緩則凝  
故禹自河州蘭州而北大同奇嵐而南直至華山之  
陰皆引之由兩山間使相激蕩而泥不得積及龍門  
而下懼其將入平地而奔潰四出也則疏三門七津  
為之節蓄水流至此崩轟衝激泥沙先下而清水隨  
之故砥柱真如柱析城真如城王屋真如屋皆鱗次

植立于河中自唐貞元時王珙開運道將諸山險阨

相繼鏟夷而大禹導山節水之意失矣又曰昔陳平

江

瑄

宋司空

禮

之治會通河也驅汶水逆流出南旺

北至安民山地降九十尺因析六分之水北達臨清

為開十有七

南至沽頭地降百十有六尺因析四分之水

南接徐沛

為開二十有一

貯六分之水者其閘長貯四分之

水者其閘短後人以意增損而水之分数紊矣紊而

長淤固其宜也顧不此之察乃更閘而東焉當時故

開由茶山而南地甚峻勢如建瓴故入河無碍後更  
夏鎮以南地平而水緩黃強清弱每會必淤此河渠  
之一壞也徐州呂梁二洪其流甚駛其石如牙永樂  
間運道初開人惡其傷舟欲稍平之宋司空不可蓋  
欲藉山之險激水之流使泥沙先下而河流不壅後  
人相繼磨其崖石而呂梁無洪矣無洪則水平而河  
身漸高此河渠之再壞也至淮河入海之處平曠無  
山而海沙逆上尤易壅塞陳平江就山陽之蒲蒲村



累石為山蜿蜒千尺即古鋸牙遺制

鋸牙見宋史

水得翻

騰踴躍以入海俗謂之磯嘴取相激而名今皆沒于

土中此河渠之三壞也

以上言河患之由

賈讓曰古者立國居民必遺川澤之分度水勢所不

及今徙冀州之民當水衝者決黎陽遮害亭

在頓丘

放

河使北入海河西薄大山東薄金隄勢不能遠汎濫

期月自定此功一立千載無患謂之上策若多穿漕

渠于冀州地使民得以溉田分殺水怒謂之中策至

若繕完故堤增卑倍薄勞費無已數逢其害此最下策也蓋隄防起自戰國齊趙魏以河為竟作隄去河各二十五里雖非其正水尚有所遊盪時至而去則填淤肥美小民耕作其間並起宅室久成聚落更恃隄為命是與水澤爭處所湛溺固其宜也歐陽玄曰治河一也有疏有濬有塞釃河之流因而導之謂之疏去河之淤因而深之謂之濬抑河之暴因而扼之謂之塞疏濬之別有四曰生地曰故道曰河身曰減

水河生地有紆直直者鑿之故道有高卑卑者平之  
河身有廣狹狹難受水以計闢之廣難為岸以計禦  
之減水河者水放曠則以制其狂水奔突則以殺其  
怒治隄一也有初築修築補築有刺水隄截河隄護  
岸隄縷水隄石船隄治埽一也有岸埽有水埽有龍  
尾攔頭馬頭等埽其為埽臺及推卷牽制薙掛之法  
有用土用石用鐵用草用木用綆用絙塞河一也有  
缺口有豁口有龍口缺口者已成川豁口者舊常為

水所豁龍口者水之所會自新河入故道之漑也賈魯常言水工之功視土工為難中流之工視河濱為難決河口視中流又難十丈之口視百丈為難北岸

之功視南岸為難

用物之效草雖至柔能狎水水漬之生泥泥與草并力重若錠然維

持夾輔纜索之功實多

余闕曰河自漢末入千乘海口而德棣

之河又播為八水多洩而力分偶合禹跡故自東都迄唐河不為患者千餘年至宋而東南入淮與武帝時無異然南方之地本高于北河之南徙難而北徙

易表黃亦云山脈自充南行勢同奔馬故大河在梁冀之郊北流為順邳淮以下北行則逆自宋

南渡至今

謂元

殆二百年而河旋北議者以為河之北

則會通之漕廢當築隄起曹南訖嘉祥

獲嘉祥符

東西三

百里以障遏之不使之北予則以為河北而會通之

漕不廢何也漕以汶而不以河也河北則汶自彭城

以下必微微則吾有以制而相之亦可以舟以漕書

所謂浮于汶達于濟者也霍韜曰三代以前黃河東

北入海今宜自河陰原武懷孟之間審視地勢引河

水注衛河冬春水平漕舟由江入淮汴流至于河陰  
順流至於衛河則一舉而得兩運道不惟徐沛水患  
可殺其半而京師形勢亦壯一倍潘季馴曰議者因  
海壅河高致決隄四溢遂以濬海為上策不知漲沙  
當海口之中潮退則見潮長則沒無可施之處縱乘  
潮退施功而一沒之後濁流淤沙隨復如故矣故海  
無可濬之理惟當導河以歸之海繕治河防俾無旁  
決則流合勢勇沙隨水去海口自不虞淤若隄日繕

而決日聞非庫薄不能支即迫近不能容與雜以浮

沙而不能久耳誠多築縷隄

縷水隄近河濱者

以束之又為

遙隄

離河六七里任伯雨云河止宜寬立隄防約攔水勢使不大段漫流此即遙隄之意

使水

有所游盪築必以真土則復何患哉如上流聽其旁

決下流復岐而分之水勢益分則其力益弱安能導

積沙以達之海乎支河一開正河必塞近事良可鑒

也李化龍曰河自開歸而下合運入海其路有三由

蘭陽

屬開封府

道考城

屬歸德府

過堅城集

在陽山

出茶城而向

徐邳是名濁河為中路由曹單經豐沛沅昭陽湖出  
秦溝而向徐邳是名銀河為北路由潘家口經符離  
道睢寧入宿遷出小河口入運是名符離河為南路  
南路近陵北路近運惟中路不南不北既遠于陵亦  
濟于運此守行隄開沔河無容再計也愚按河決于  
北則急在張秋決于南則急在徐沛總之河與運不  
可合先朝開新河沔河又開駱馬河皆以遠河安漕  
使不至衝入為害也今又決張秋以北或遂欲求九河



故道獨不慮河貫會通則汶泗諸泉流皆從之入海  
是尚有漕渠乎賈讓下策在今日反為上策特須得  
其人而任之耳

以上言治  
河之策

嶓冢導漾東流為漢又東為滄浪之水過三澨至于大  
別南入于江東匯澤為彭蠡東為北江入于海

漾史記  
作漾

孔傳泉始出山為漾水東南流為沔水至漢中東流

為漢水

鄭樵曰漾水東流為沔水故地  
曰沔陽又東至南鄭為漢水

黃度曰漢有

沔漾之名皆東漢水也地理志西漢水出西縣嶓冢

山南入廣漢白水蓋潛漢也經不著其所出自古皆  
以為東西兩漢俱導嶓冢則或然矣而西漢固無沔  
漾之名漢志漾水出隴西氐道至武都為漢武都東  
漢水受氐道水名沔是則沔漾俱為東漢也獨氐道  
武都脈絡不通川渠阻隔武都受漾為不可據而桑  
欽遂徙氐道漾水為西漢之源由是愈紛錯酈道元  
委曲遷就通之以潛伏之流証之以難驗之論更覺  
齟齬故當盡廢諸說而一之以經文杜佑通典秦州

上邽縣嶓冢山西漢所出經嘉陵曰嘉陵江經閬中  
曰閬江漢中金牛縣嶓冢山禹導漾水至此為漢水  
亦曰沔水其說為可據愚按漾訓泉始出蓋漾出嶓  
冢時涓流未盛故于嶓冢不曰導漢江自岷山以上  
猶未汎濫至逕汶關歷氐道則其流已大故于岷山  
直曰導江又按古稱漢源有二韓邦奇謂鞏昌嶓冢  
是漢源漢中無嶓冢沔水出金牛山

註見梁州

人既誤以

為漢水遂以金牛為嶓冢考一統志云漢江在漢中

府城南三里出沔縣潘冢山沔水在褒城縣南四里

出古金牛縣界東至南鄭合漢水大抵沔漢不同源

書傳之誤容有之今未敢以臆斷也水經註武當縣

西北四十里漢水中有洲曰滄浪洲水曰滄浪水鄭

曰漢水東過南漳荆山為滄浪之水一統志滄浪水在均州北四十里湖廣通志漢水至武當縣為滄浪

水過潛江縣為沔水或以禹貢滄浪在沔陽州者非是不言過而言為者明非

他水決入也孔傳三澨水名入漢水經註地說沔水

東行過三澨合流至大別山陂故馬融鄭玄王肅皆

作水名鄭云在竟陵縣界蔡傳今郢州長壽縣磨石

山發源東南流者名滢水至復州景陵縣界又名汭

水疑即三滢之一

湖廣名勝志唐武德初析漢陽置汭川縣以廢縣南汭水為名即左

傳滢水也承天府志景陵有三滢水又有三汭水云是三滢

愚按許慎云滢者埤

增水邊土人所止也春秋傳有勾滢

文十六年楚軍次于勾滢漳

滢

宣四年楚令尹越師于漳

雍滢

定四年左司馬戎敗吳師于雍滢

遂滢

昭十三年

司馬遂越繼于遂滢

杜預註作水際及邊地名與孔傳不合韓

邦奇謂三滢汭滢漳滢遂滢也在京山縣西八十里

考各志或云在沔陽

湖廣志沔陽州黃蓬之山下枕大江其東南有三滢北即滄浪

水沔陽志謂石家河為滢

或云在京山

京山志謂馬溪河為滢

或云在景陵

湖廣志三滢水在景陵縣南三十里自安陸達景陵發源長壽鄉磨石山

俱無確記今沔

陽景陵皆古竟陵地與康成所云合或一水而經三

地故有三名然桑鄺諸家已不能辨其津途未可以

令流傳古蹟矣大別見導山漢水入江處孔傳滢迴

也水東迴為彭蠡大澤彭蠡見揚州鄭曉曰江初滢

于洞庭南受沅湘諸水過此滢于鄱陽南受嶺北豫

章諸水洞庭鄱陽二湖俱當南水北入江處猶令猷

澮北兩港相交即成大漾蔡傳入海在通州靜海縣

今揚州府通州海門縣

朱子曰彭蠡在大江之南自令江州湖

口縣南跨南康軍饒州以接于隆興府之北瀾漫數

十百里其源則東自饒徽信州建昌軍南自贛州南

安軍西自袁筠以至隆興分寧諸邑方數千里之水

皆會而歸焉北過南康揚瀾左里則西岸漸迫山麓

廬而湖面稍狹遂東北流以趨湖口而入于江矣然

以地勢北高而南下故其入江也反為江水所遏而不得遂因卻而自蹙以為是瀰漫數十百里之大澤則是彭蠡之所以為大澤者初非有仰于江漢之匯而後成也不惟無所仰于江漢而衆流之積日過日高勢已不復容江漢之來入矣又况漢水自漢陽軍大別山下南流入江則其水與江混而為一已七百餘里今謂其至此而後一先一後以入于彭蠡既滙之後又復循次而出以為二江則其入也何以識其



為昔日之漢水而先行何以識其為昔日之江水而後會其出也何以識其為昔日之漢水而今分之以北何以識其為昔日之江水而今分之以居中耶且以方言之則宜曰南會而不應曰東會以實計之則湖口之東但見為一江而不見其分流也今湖口橫渡之處其北則江漢之濁流其南則彭蠡之清漲而已蓋彭蠡之水雖限于江而不得洩然其既平則亦因其可行之隙而未嘗不相持以東也烏覩所謂中

江北江之別乎吳澄曰漢水南入于江乃循江北岸東行為江之北而入于海夫漢既入江與江混為一水而又曰東為北江入于海似別為一水何也蓋漢水源遠流大與江兩相匹配與他小水入大水之例不同故漢得分江之名而為北江也記其入海者著其為瀆也三瀆皆自為一瀆惟江與漢共為一瀆不以漢附于江而沒其入海之實故于漢于江並言入海而為瀆也若漢不為瀆則東為北江入于海七字

衍文

此鄭  
樵說

而其序當殿導江之後矣韓邦奇曰曰東

匯曰東為者謂漢自西東流而匯為彭蠡又東流而為北江非謂漢之東邊也何足疑哉愚按爾雅江河淮濟為四瀆而不及漢以漢本附江為瀆也入江之後不得復稱漢故曰北江蘇氏嘗味之說既迂朱子

兩江不分之辨亦贅

水經沔水出武都沮縣

今漢中府

寧羌州畧陽縣  
皆漢沮縣地

狼谷中東南流注漢曰沮口

按地理  
志沮水

出東狼谷南至江夏沙羨南入江過郡五行四千里是沮水即沔水也

又東逕沔陽城

在今漢中府沔縣西

南又東過南鄭

今屬漢中府

城固

今屬漢中府

縣南

又東過魏興安陽

今漢中府從陰縣

西城

今漢中府金州

縣南又東

逕鄖鄉縣

今鄖陽府鄖縣

南又東北流又屈東南過武當縣

今襄陽府均州

東北鄖縣

今襄陽府光化縣

西南又南逕筑陽縣

今襄陽府

陽府穀城縣

東又東過襄陽縣

今屬襄陽府

北又南過宜城縣

今屬襄陽府

東又逕郢縣

左傳楚自郢遷郢

南又東南自荊城東

南流逕當陽縣之章山

即內方

東又東南逕江夏雲社

縣

故城在今沔陽州景陵縣西北

東又東逕沱陽縣

今漢陽府漢陽縣

北又

南至沙羨

音夷縣

今武昌府江夏蒲圻縣皆漢沙羨地

北南入于江

郭璞曰至

江夏安陸縣江即沔水令漢陽府漢安陸縣地一統志自夏水入沔之後兼流至漢陽曰南沔夏水見荆

州按史傳多稱沔水即漢水今考漢水在漢陽府城南

北五里沔水在漢陽府城西南三十里源出襄水南

入大江與漢水合一統志曰二水源流不同惟書祝

疏引應劭云沔水下尾與漢合乃入江為得其實

穆曰班固所謂東漢則禹貢之漾漢自嶓冢山逕梁

洋金

俱漢中府

房

鄖陽府

均襄

俱襄陽府

郢復

俱承天府

令景陵縣隋復州

至

漢陽入江者也西漢則蘇代所謂漢中之甲輕舟出

于巴

令巴州

乘夏水

謂夏潦水盛漲時也

下漢四日而至五渚者

其源出西和州

今鞏昌府西和縣雍正大記西漢水在西和縣西南

徼外逕階

今鞏昌府階州

沔

今漢中府沔縣

與嘉陵江合又逕大安

宋大安軍屬利州路

利

今廣元縣

劔

今劔州俱屬保寧

果

今順慶府南充縣

合

今順慶府合州

與涪水

合至渝州入于江

按班固以嘉陵江為西漢程大昌嘗辨其非考近志閬水巴水渝水

嘉陵水皆漢水之異名

夏允彝曰漢水性曲其流十里九灣語曰勁莫如濟

曲莫如漢今考漢發磻冢抵上津

鄖陽府上津縣

入鄖地流

至漢陽與大江合其受害者鄖襄承漢四郡而襄承

為甚襄陽古有大隄曲知隄防之設自漢世已然關  
忠義決水灌樊城是漢水為襄樊害最切國朝水流  
故道不溢為災故大隄漸毀民多侵為已業嘉靖末  
洪水四溢漂潰以數萬計承天則以支河盡塞而下  
流竹筒湖復淤下滯上汜固水患之原也童承叙曰漢水最濁與河水相似每多填淤而沮澤之區因成沃壤故隄防為急

岷山導江東別為沱又東至于澧過九江至于東陵東  
迤北會于滙東為中江入于海澧漢書作醴于滙一本作為滙

易氏曰考元和志岷山近在茂州而江源遠出西徼

在松州之境

唐松州令  
松潘衛

愚按范成大謂江源來自

西戎萬山中由岷山洞壑出世云發源茂州羊膊嶺

乃就中國所見言之耳考近志汶江出松潘衛之甘

松嶺東經衛城達疊溪所西南與黑水合入茂州西

南至威州過汶川轉而東南至灌縣江源志則云出

臨洮之木塔山臨洮在松潘北復千餘里則江源之

遠幾與大河埒耶恐主松潘之說為是今松潘衛城



東三十里有雪山或云即岷山

指掌圖松潘至成都界七百餘里

孔

傳江東南流沱東行正義以上言浮于江沱潛漢其

次自南而北江在沱南知江東南流而沱東行

按此是荊州江

沱東別為沱自在梁州孔氏以荊梁二州本一沱水故云然耳

金氏履祥曰江至永

康軍導江縣

今成都府灌縣

諸源既盛遂分為沱東至眉州

彭山縣復合于江愚按沱水分自灌縣酈道元云開

明之所鑿

開明蜀帝杜宇之相

郭景純所謂玉壘

玉壘山在灌縣西北

作

東別之標者也李冰壅江作堋別支流雙過郡下

水經

註一名郫江一名檢江揚子大溉蜀郡之田今二江雲蜀都賦兩江珥其前是也

來自成都西北而合于郫之東南宋郡縣志李冰開

二渠一由永康過新繁入成都謂之外江一由永康

過郫入成都謂之內江蜀人以此水濯錦鮮明名錦江呂大防謂此即

沱江支流

四川總志沱江一在新繁縣治西北十五里一在灌縣南十五里

孔傳澧

水名

正義鄭玄以經自導弱水以下言過言會者皆水也言至于者或山或澤皆非水也故以合黎

為山名澧為陵名孔以合黎與澧皆為水名弱水餘波入于流沙則本源入合黎矣合黎得容弱水知是

水名楚辭濯予佩兮澧浦是澧亦水名

漢地理志澧水出武陵郡充縣

歷山

湖廣名勝志澧水發源岳州府慈利縣西之歷山慈利本漢充縣地晉臨澧

東至長

沙下雋入沅

水經至下雋西北東入于江

過郡二

武陵長沙

行一千二

百里水經註澧水東逕零陽

今岳州府石門縣

澧陽

今岳州府澧州

孱陵

今岳州府安鄉縣

流注于洞庭湖

按澧水即今九溪至慈利與澧水會稱澧

澧至石門與澧水會稱澧澧至澧州與澧水會稱澧澧至安鄉與澧水會稱澧澧王仲宣詩悠悠澧澧是

也

袁中道曰澧居江沅之中與九水分源合派以至

洞庭虞喜以為江沅別流誤矣當懷襄之時雲夢一

壑江身不可復辨禹之導水必于高阜之處為之表

識自夷陵以下高阜多山宜莫如澧由澧導之江偕  
九水入洞庭以趨潯陽雲夢始出而江流乃了了可  
辨水經注于江陵枚迴洲之下有南北江之名即江  
水由澧入洞庭道也陵谷變遷今之大江始獨專其  
滂湃而南江之跡僅為衣帶細流然會澧故道猶可  
考耳今江自夔門下  
荊州不復至澧金氏履祥曰江南受青衣大渡  
馬湖江北受嘉陵江又南受黔江在辰  
州府出三峽而後  
東注于澧不書諸水以梁州蔡蒙和夷潛沔皆互見

而三峽天險非入都通道計不施功故畧之也九江

見荊州樂史曰大江在巴陵東北流入洞庭今洞庭

水會于江非江流入洞庭矣

一統志大江從荊州府石首縣北流過城陵磯

下合洞庭諸水入臨湘縣其流清者為洞庭濁者為大江城陵磯在岳州府城西北平五里

孔傳

東陵地名蔡傳今岳州巴陵縣也羅泌曰巴陵與夷

陵相對為東西夷陵曰西陵

歐陽修曰夷陵州當峽口江出峽始漫為平流

天下之險至是而始平夷則巴陵為東陵信矣

岳陽風土記巴陵本下雋縣之丘邨

敬曰西北山高土平東南地卑多丘阜故荊州諸郡古多稱陵竟陵江陵巴陵茶陵零陵武陵沅陵邵陵

是也與荆接壤者亦曰廬陵歷陵陰陵

故唐志以岳州為巴陵為是九

江蓋在東陵而上必不在彭蠡下也且以大水受小

水謂之過二水相受大小均謂之會河水東過洛汭

北過洛水洛洛之水入河河水過之而已漾過三澨

渭過漆沮亦猶是也若云江分九道則經當云播為

九江不云過矣

朱子曰過九江至于東陵者言導岷山之水而是水之流橫截乎洞庭之

口以至東陵也是漢水過三澨之例也過九江至于敷淺原者言導岷陽之山而導山之人至于衡山之麓遂越洞庭之尾東取山路以至于敷淺原也是導岷岐荆而踰河以盡恒碣之例也

愚按江

水東過夷陵為西陵南過洞庭為東陵自地理志云

九江在廬江西北鄱道元因之故以廬江郡之東陵

鄉為禹貢東陵與江夏郡之西陵

今黃州府漢為西陵

對言誤

也孔傳迤溢也正義迤靡迤邪出之意

許慎曰迤邪行也

故

為溢也東溢分流又都共聚合北會彭蠡言散流而

復合也金氏履祥曰東迤北會于滙當作會于漢葢

江勢迤北處正受漢口若至彭蠡則東流久矣茅瑞

徵曰江漢皆自西來至其合處則迤邐相屬漢水稍

折而南江水稍折而北蓋江在漢南漢在江北其勢  
相屬故會于彭蠡而復東也又曰東迤北會畧斷與  
南入于江對為滙與東滙澤為彭蠡對自漢視江若  
漢小江大故言入自江視漢江固大漢亦不小故言

會

郝敬曰江南諸水在衡山東北者由袁州臨江諸  
府北至彭蠡入江在庾嶺以北者由贛州吉州南

安諸府亦北至彭蠡入江但地勢西北高東南下江  
北受漢之委而南不全受彭蠡之委故于大別言入  
而東陵以愚按江與漢會在漢陽大別又東流七百  
下言滙

餘里至鄱陽湖不當云北會于滙註疏謂江水分流



會合彭蠡其水道無從考証且江之合漢乃其大者  
導漢既曰南入于江則導江豈得畧之而不書耶惟  
金氏說得之而經文不可輕改滙疏以北會者會漢  
也于滙作為滙義始可通吳氏澄曰江與彭蠡合流  
之後凡千四百里入海江之入于海也必曰為中江  
何也蓋禹貢以江漢共為一瀆漢分江之半為北江  
故江不得專江之名漢為北江則江當為南江然循  
南江面岸有彭蠡湖水若曰南江恐疑為指湖水而

言以江水行于湖水漢水之中故曰為中江也

曾氏曰湖

漢九水東至彭蠡入江此南江也南江乃江之故跡非禹所導禹導漢水入焉與舊江合流而分南北故漢為北江又導岷山之江入焉其流介乎二江之中故江為中江南江乃故道故經不志邵寶曰

江漢水漲彭蠡鬱而為巨浸無仰其入而有賴其過彼不過則此不積所謂滙也滙言其外蠡言其內于滙不于彭蠡勢則然也若夫江漢之合茫然一水惟見其為江也不見其為漢也故曰中江曰北江然其勢則相敵也故曰江漢朝宗集註謂經誤者非是

韓邦

奇曰今通州等處土人  
猶有上江下江之稱

張吉曰江漢二條朱蔡皆以

彭蠡乃江西諸水所瀦固無仰于江漢之匯而江漢  
二水並持東下又不見所謂北江中江孰是以疑經  
之誤其說甚備愚嘗親歷其地而以經文証之乃知  
經文無誤也夫匯本訓迴乃下流泛濫他水勢不能  
洩于是迴旋停滯瀦而為澤之謂也今春夏之間江  
漢水漲則彭蠡之水鬱不得流而逆注倒積潴為巨  
浸茫然數百餘里無復畔岸其匯為澤蓋如此雖無

仰于江漢之所入然實賴其下流充物故湖水壅關  
阻抑而不能出方能成其澤爾非謂江漢之水截入  
澤內而為滙也若其截入為澤則但如他條曰至曰  
入可也何必變文言滙哉此東滙澤為彭蠡東迤北  
會為滙本無誤矣漢水不言會者為江水所隔與彭  
蠡不相接也江水不言彭蠡者與漢互見也迨夫二  
水漸消則彭蠡之水溢出大江循南岸而行與二水  
頡頏趨海所謂其北則江漢之濁流其南則彭蠡之

清漲是也第江水濬發最在上流其次則漢水自北岸而入又其次則彭蠡自南岸而入三水並持東下則江為中江漢為北江而彭蠡之水入江並流為南江者不言可知非判然異派之謂也此東為北江東為中江入于海亦無誤而朱子九峯皆不能無疑于斯何歟况經文簡奧其言南入于江東匯為澤葢亦無遠不包而曰南曰東與今水道屈折迤邐勢正相符今却云經文有謬與今水道全然不合此不可曉

也又江水自東陵而下漢水自漢陽而下其勢皆漸趨東北湖口為江漢所匯之處正在東陵漢陽東北與經文亦合今却云于漢水則宜改南匯彭蠡于導江則宜改南會于匯此又不可曉也若夫所謂橫截南入于鄱陽又橫截而北流為北江又謂至此而後一先一後以入彭蠡既匯之後又循次而出以為二江此自說者之誤非經文之誤也蓋經意以為漢雖入江而自循北岸以達于海故有東匯北江入海之

文朱子偶未之思以為二水既合則有江無漢故既  
疑其誤而復有取于鄭樵之說以東匯澤為彭蠡東  
為北江入于海十三字為衍文蔡氏篤信朱子不復  
別求其說遂再立論以疑經皆非也或曰南之有江  
猶北之有河皆大水也然渭水洛水皆入于河不言  
中河北河安知中江北江之說不為誤乎是不然河  
源遠出閼磨黎山自積石龍門而下氣勢雄猛流波  
洶洽而渭洛二水近出鳥鼠熊耳諸山不數百里遂

達于河幾不能見安得與河為敵若漢源出于岷冢  
與江源既不甚相遠而其通流之地大小雖殊終不  
相掩則漢雖入江猶得紀其為滙為江入海之實夫  
豈過乎河可以包渭洛而江不得以包漢故兗州則  
曰九河既道不兼渭洛而言荊州則曰江漢朝宗對  
舉二水而並言之經之立義精矣黃潤玉曰江水  
東出巫峽則分流為沱凡出沔南者皆是也正流東  
至澧乃荆之南境近沿江築圩而田獨華容縣章華



臺下仍通川水九江即洞庭湖所受澧江黔江沅江  
益陽江安鄉江湘江耒江瀏陽江平江九水漲則瀾  
漫港汊東陵即岳陽城陵之境又東一帶迤北皆與  
前沱水會為匯澤故沔南之湖澤最廣今江水衝直  
城陵磯而臨江驛在巴陵至岳陽湖口六十里皆淤沙  
漲起南環湖北沿江塞隘九江之口其章華臺之水  
亦淤窄矣凡江自澧以西名上江東陵以東名中江  
彭蠡以下名北江而序江漢皆曰東者主岷嶓居西

而云非指曲折所向為文也

此說與正註不合存之備考

漢地理

志江水出蜀郡湔氐道岷山東南至廣陵國江都縣

入海過郡七

按水經江水逕蜀郡犍為巴郡南郡長沙江夏豫章廬江丹陽會稽凡十郡

行五千六百六十里水經江水自天彭關東

益州記江源發

羊膊嶺下東南百餘里至自馬嶺而歷天彭關逕氐道縣北又東別為沱又

逕都安

今灌縣

臨邛

今邛州

江鄉

即江源縣今崇慶州

又東北逕郫

縣

註見梁州

又東逕成都

今成都府治

廣都

今成都府雙流縣

又東南

過犍為武陽

註見梁州

青衣水沫水西南來注之

俱見梁州又

東南逕南安縣

今眉州丹稜縣

又東南過楚道縣

註見梁州

北若

水西來注之

若水出蜀郡犍牛徽外令名馬湖江

又東過江陽縣

今瀘州

南洛水東南注之

洛水出洛縣章山逕新都與綿水渝水合入江

又逕安漢

今順慶府西充縣

符縣

今叙州府地

北又東北至巴郡江州縣

今重慶府

慶府巴縣

東漢水

西漢

宕渠水

見梁州

南流注之又東至枳縣

今重慶府長壽縣

西又東逕臨江

今重慶府墊江縣

朐忍

今夔州府雲陽縣

魚復

今夔州府奉節縣

巫

今夔州府巫山縣

縣南又東過秭歸

今荊州府

歸信陵

今荊州府巴東縣

夷陵

今屬荊州府

縣南又東過夷道

縣

今荊州府宜都縣

北又東逕江陵故城

今荊州府治楚舊都鄢註縣有牧迴

洲江自此分南北

南又東至華容縣

故城在今荊州府監利縣

西公安縣

今屬荊州府

北又東至長沙下雋縣北澧水沅水資水東

流注之湘水南來注之

俱見荊州

又東北至江夏沙羨縣

今武昌府江夏縣

西北沔水北來注之

見前

又東逕魯山南

即大

別山又東逕邾縣

故城在黃州府城西北一百二十里

南鄂縣

今武昌府武昌縣

北又東逕西陵

今黃州府黃岡縣

蘄春縣

今黃州府蘄州

南又東過

彭蠡澤又東北出居巢縣

今廬州府巢縣

南又東至石城縣

今池州府貴池縣分為二其一東北流其一過毗陵縣今常州府

江陰縣北為北江水經多錯簡東過彭蠡澤以下係移

縣一派入太湖由松江入海愚按古東壩未築江水南東注于

具區見水經註故地理志云江水自石城東出逕吳國南

入海者為南江今吳松江從毗陵北入海者為北江今大江

從蕪湖至陽羨今宜興縣東入海者為中江今荆溪一統志荆溪上通

蕪湖下注震澤達松江而入于海其說未嘗謬戾但與禹貢中江北

江之文相亂若以傳會震澤下流之三江則益非耳

水經所云南北則東逕宣城寧國至會稽餘姚縣東  
入海併非班固所謂南江也考會稽之浙江乃發源  
徽黟音伊流派與岷江迴別許慎闕駟諸人多言江水  
至山陰合浙江蓋為水經所誤酈善長譏之當矣鄭  
夾漈通志自彭蠡以下又東右過江寧丹陽水南來  
入焉令丹陽湖在溧水縣又東左過江都邗溝出焉又東過江  
陰許浦入海此據今日水道甚合

考水利志江源在羊膊嶺分二派一西南流為尖囊

大渡河

一統志大渡河出蘆州界東至嘉定入岷江

一正南流至石紐

地括

志石紐山在茂州汶川縣西七十三里今龍安府石泉縣北有石紐鄉大禹生此

歷灌縣境

灌之上流有水出龍溪口白沙口同會于灌經灌西

南流者為南江即禹所導岷江也

自李冰鑿離堆引江水循灌城東注

北折于是始以東南正流為南江

經離堆薄灌城而東北注者為北

江北江自寶瓶口穿三泊洞而北注者為外江

外江北經

崇寧彭縣新繁漢州界出金堂峽

自寶瓶口直東入五斗口而東北

注者為內江

內江東經郫縣崇寧界過府城北以趨于彭合彭山金堂諸水會于瀘州合綿

涪諸水并嘉陵江經合州會  
于重慶遠近溉田不可勝計近世設都江堰在岷江

中流歲費鉅萬李冰嘗題深淘灘淺作堰此治之  
法也

導沅水東流為濟入于河溢為滎東出于陶丘北又東

至于荷又東

東字讀

北會于汶又北

北字讀

東入于海

沅音究漢

書溢作軼

孔傳泉源為沅流水為濟水經濟水出河東垣縣  
今山

西平陽府絳州垣曲縣

東王屋山為沅水

山海經王屋之山瀕水出焉註瀕沅聲相



近即沆也  
聯音輦

又東至溫縣

今屬懷慶府

西北為濟水酈道元

曰潛行地下至共山南復出于東丘在原城東北

原城

在令懷慶府濟源縣

又曰濟水出溫城西北平地

疏云濟水所出在溫城西

北七十里

水有二源東源出原城東北俗謂濟源城其水

南流與西源合西源出原城西蔡傳沆水東源周七

百步其深不測西源周六百八十五步其深一丈合

流至溫縣

河南志濟水發源王屋山頂五斗峯下之太乙池伏流東行九十里復見于濟源縣

西三里匯為二池所謂濟源池也李濂曰東池即東源周僅百餘步亦不甚深西池即西源周如東池深

溢三四尺耳

鄭曉曰王屋山有三處蔡傳在山西垣曲縣

今一見山西陽城縣一見河南濟源縣實一山也綿

亘數縣然沅水發源處則在濟源西八十里

羅泌曰兗濟二

郡正以是名濟源在河東濟南濟北濟陽濟陰皆在河南

水經註濟水南歷虢公

臺

在今溫縣皇覽溫城南有虢公臺基址尚存

西南流注于河當鞏縣

註見

豫州北孔傳濟水入河並流十數里而南截河又並流

數里溢為滎澤在教倉東南正義濟既入河與河相亂而知截河過者以河濁濟清南出還清故可知也

滎見豫州水經濟水與河合流東過成臯縣

今懷慶府沁水

縣

北又東過滎陽縣

註見豫州

北又東合滎澤

後漢郡國志王莽時

旱清水但入河而已不復截河而南

述征記物之不同猶鉛錫也北濟

既入于河性與河別不能混合滲漉入地伏行而溢

為滎爾爾雅再成曰陶丘

李巡曰再成其形再重也釋名陶丘于高山上一重

作之如陶竈然

郭璞曰在濟陰定陶

註見豫州

城中漢地理志濟

陰郡定陶縣西南有陶丘亭

一統志陶山在東昌府館陶縣南館陶鎮西北

七里微有土阜即禹貢陶丘又濟南府肥城縣西三十里有陶山連兗州府平陰縣界按陶丘當以定陶

為據一統志所載陶山陳師道曰濟入于河東出于  
皆與定陶相遠更詳之

陶丘北者入而復出也溢為滎者濟之別也滎波既  
豬障而東之也周官又謂豫之川河洛幽兗之川河  
沛則河南無濟矣鄭曉曰濟自滎澤伏地中歷鄭州  
中牟祥符祀縣歸德北抵山東至定陶方出去河數  
百里方能達河荷即荷澤見豫州水經濟水東至乘

氏縣

註見青州

西分為二南為荷水

鄆註荷水又東與鉅野黃水合黃水上承

鉅澤

北為濟瀆

濟瀆濟故瀆也鄆註濟水與濮水合同入鉅野

郡縣志兗州

魚臺縣荷水一名五丈溝

即五丈渠

東南流合泗水蔡傳

謂之至者濟陰縣自有荷派濟流其地耳

易氏曰自入河至此

凡七百餘里

汶北汶也見青州水經濟水故瀆又北右合

洪水

鄭注水上承鉅野薛訓渚歷澤西北又北逕闕鄉城西名曰洪水皇覽壽張縣有闕鄉城

又東

北過壽張縣

註見徐州

西界安民亭南汶水東北來注之

以下詳

蔡傳至青州博興縣

註見青州

入海

唐李賢曰濟自鄭以東貫

滑曹鄭濟齊青以入于海

方氏回曰濟水絕于王莽時令其源出

河北溫州猶經枯黃河中以入汶而後趨海清濟貫

濁河遂成虛論矣黃承玄曰漢元光中

武帝

河決瓠子

注鉅野濟為河所淫王莽之世川澤枯竭永平中

明帝

修汴渠起自滎陽東至千乘大都貫濟故瀆以行後

河徙益南津渠勢改即枯瀆亦不可尋今惟東平以

下汶水支流時溢入故道從利津入海世謂之清河

而實非濟也

按杜佑謂清河實荷澤汶水合流蓋荷水在唐時猶未涸絕

漢地

理志沅水出河東垣縣東北王屋山東南至河內武

德縣入河軼出滎陽北又東至千乘琅槐入海過郡

九

河東河內河南陳留濟陰東郡泰山濟南千乘

行千八百四十里初學記

濟水自溫縣東南流入河過成臯溢出為滎水東流

過陽武封丘縣

今皆屬開封

北又東過宛句縣

故城在今曹州界內

南至定陶縣南又東至乘氏縣

註見青州

西分為二其一

東北流入鉅野澤過壽張西與汶水合又北過穀城

縣

故城在今東阿縣南

西又東北過盧縣

今平陰縣

北經齊郡東萊

郡而入海

按濟水入海在青州與東萊無涉

其一東南流東過昌邑

後魏并入金鄉

金鄉縣南至方與

今魚臺縣

為荷水過浦縣

今屬徐州

東北至下邳

今淮安府邳州

而入淮愚按濟有二派水經謂

分自乘氏一為荷水則承鉅野之黃水一為濟瀆則

承鉅野之洪水是南北二流皆由鉅野而別郭緣生

所云二濟南北異岸而相遠亦踰千里是也

今濟枯荷涸惟

鉅野之區滙為巨浸南北數百里如故

水經自滎澤以下有南濟北濟

之目

水經濟水東合滎澤又東逕滎陽縣北又東北流南濟也逕陽武縣故城南又東過封丘縣北

北濟也又東過平丘縣南又東過濟陽縣北濟也又東過宛句縣南又東過定陶縣南南濟也平丘今

併入封丘濟陽故城在今兗州府曹縣

尋其津途皆在陳留不應頓有



兩派充志以乘氏所分者皆出南濟則北濟經流又當沿注何地王隱謂河決為滎濟水受焉故有濟隄為北濟則似滎澤以下皆北濟荷澤在南故相對為南北耳大抵南北之濟當分自乘氏以下而不當分自滎澤以下又况經文曰溢曰出溢者濟之衍為支流也出者濟之伏而顯發也濟與河合渾濤南湧勢必浸淫禹乃陂而障之所謂禹塞淫水于滎陽者此也水經注濟水又東南入陽武狼蕩渠出焉此必後

世河水東南決溢濟乘之而濫流非禹時故道矣

京相

璠曰滎澤在滎陽縣東南與濟隧合濟隧上承河水于卷縣地濟隧濟道也酈道元曰世或謂其故道為

十字溝

東出陶丘是濟水正流至此穴地而出東出之

東指其行于地下者而言之古者水官能辨味與色其伏其見皆可別識不獨濟水為然若如桑氏所序自滎澤至陶丘往復逕通如此經何以不言東至而言東出耶水經註濟水東北右合河水于定陶縣北此亦據周漢以後水道禹時河行大伾之地未嘗經

流濟陰或澼漂支津在曹濮間者則有之耳至荷是  
南派會汶是北派王樵曰濟出王屋本太行脊西  
之山伏流東南入河又橫而南出至王莽未不復南  
溢河南無濟瀆自受河為浚儀渠然濟未嘗不伏流  
地中今阿井煮膠其性鎮墜能清濁水歷下發地皆  
泉皆濟所過也又大小清河七十二泉皆濟水也或  
分流以濟運或疏引以溉田濟之隱功甚溥愚按劉  
向稱濟能蕩滌垢濁通百川于海蕩出雲雨其流甚

細而在四瀆非止以其獨能赴海蓋亦神異故也酈  
道元鄭樵皆言後世枯涸今觀濟水性下勁疾能穴  
地伏流隱見無常乃其本性豈真涸竭耶曾子固齊  
州二堂記言岱北與齊東南諸谷之水西北匯于黑  
水栢崖之灣至渴馬之崖泊然而止今黃山下北至歷城  
西五十里有泉湧出是為趵突泉不明言為濟水然  
實王屋派也又衛輝府輝縣蘇門山出百泉為衛河  
李夢陽謂即濟水伏流見此去王屋不遠

按蔡傳引沈存中筆

談謂歷下發地皆泉濟水經其下齊乘又云古濟行清河如在井底南仰泉源遠在山麓豈能相及蓋歷下衆泉皆低陰伏流所發西則趵突為魁東則百脈為冠地勢使然無闕于濟存中得之傳聞後遂以滌為濟誤矣其說與沈不同

王綱振曰濟水無三伏三見其云斷續伏見蓋因一濟而前為沈後為滌既入河又出河既出河又入海不似他水行直故云斷續伏見耳況經文明言浮于汶達于濟浮于濟漂達于河河濟本通而此曰流曰溢曰入曰出曰至曰會亦並無間斷不知三伏三見何據但沿襲既久為之曲解非本註也

導淮自桐栢東會于泗沂東入于海

桐栢見導山正義地理志云淮水出南陽平氏縣

故城

在今南陽府唐縣東南

東南桐栢山水經云出胎簪山東北過

桐栢山胎簪蓋桐栢之旁小山說文淮源初則湧出

復潛流三十里然後長驚愚按近志胎簪山在桐栢

縣西三十里淮源若井方一丈東伏地中二十五里

復見桐栢山在桐栢縣東一里唐縣東南一百八十

里峯巒奇秀淮水出其下

風俗通唐州東二十里淮廟在槐樹下有一泉眼淮

水出焉其源甚窄可驚而踰流至徐揚間始大胎簪去桐柏甚近經不言胎

簪而言桐柏當以支岡在所畧耳泗沂見徐州正義

沂水南至下邳入泗泗水至臨淮睢陵今淮安府邳州睢寧縣

入淮乃沂先入泗泗入淮耳沂水入泗處去淮已近

故連言之吳氏澄曰泗沂二水均敵不以沂既入泗

而沒其名如朝宗並稱江漢之例蔡傳入海在今淮

浦今淮安府海州愚按長淮界南北而別江河自淮以北為

北條自淮以南為南條導河至此並結以入于海者

海受百川不窮水所歸不止也

古岳瀆經禹治水三至桐柏山獲淮渦水

神名巫支祈鑠于龜山之足淮乃安流

漢地理志淮水出南陽郡平氏

縣東南大復山

桐柏山一名大復山

東南至臨淮郡淮陵縣

王應

麟曰地志淮陵縣禹貢集解云其地當在楚州界考宋州郡志淮陵郡本淮陵縣輿地廣記云泗州招信縣本淮陵縣漢屬臨淮郡宋曰睢陵置濟陰郡今按漢晉有淮陵睢陵二縣宋濟陰郡有睢陵縣而淮陵郡無淮陵縣蓋宋之睢陵即漢之淮陵也寰宇記古淮陵城在招信縣西北二十五里然則禹貢解以淮陵在楚州非也按一統志淮陵故城在今鳳陽府盱眙縣伯厚此辨良是但淮陵非淮水入海處考廣記漢睢陵故城在淮陽軍下邳縣一統志在今邳州治東南則淮陵乃睢陵之訛也當改正

入海過



郡四

按水經淮水逕南陽汝南廬江九江下邳凡五郡

行三千二百四十里

水經淮水過桐柏山東逕義陽

今汝寧府信陽縣

新息

今汝寧府

息縣南又東過期思縣北

故城在今固始縣西北

原鹿縣

杜預曰汝

陰有原鹿縣

南又東過廬江安豐縣

今廬州府六安州

北又東北

過九江壽春縣

今鳳陽府壽州

西北又北逕下蔡縣

故城在今壽州

北三東又東過當塗

故城在今懷遠縣

鍾離縣

今鳳陽府臨淮縣

北

夏丘縣

今鳳陽府虹縣

南又東逕盱眙縣

今屬鳳陽

西又東北至

下邳淮陰縣

故城在淮安府城西四十里

西北泗水西北來注之

鄺註淮泗之會即角城所謂泗口禹貢廣記今盱眙軍相對即泗口也自清河口而上者呂梁自渦口而上者譙梁自潁又東至淮浦縣入于海黃承玄曰古

淮水自桐柏而東逕信陽新息壽春臨淮泗州盡攬南條諸山迤北之水至淮陰而與泗水合泗水自陪尾而西逗曲阜滋陽魚臺入彭城至下邳合沂水又南至宿遷東南入淮二水合流東入于海今雲梯關海口即大禹以來淮泗入海之故道也愚按淮水自鳳泗來合阜城洪澤諸湖之水稍北經清河縣南又

稍北經安東縣入海泗沂歷徐邳至清口

自淮安府城出淮名

清口清口十里至清河縣

而與淮會謂之清河

一統志大清河小清河俱泗水末流

演繁露曰泗即今南清河

自宋神宗十年河道南徙東匯梁山泊

合泗沂入淮今泗水既分流濟寧入漕渠而沂自挾  
加武汭浚諸水至邳州入黃河矣

潘季馴曰淮挾汝潁肥濠等處七十二溪之水至泗  
州下流龜山橫截河中故至泗則湧譬咽喉間湯飲  
驟下吞吐不及一時咽喉塞其勢然也且淮漲于泗即

黃漲于河南徐邳每歲伏秋皆然兩水發有先後各有消長耳 夏允彝曰河與淮合蓋河之利而非淮之利也河決善淤今得全淮之水并力刷沙是河利也然河或有時而淤則淮入海之道并為河塞凡汝潁肥濠之水皆無所洩故于淮非利也且今皆資之以漕而閘禁不嚴

國初平江伯陳瑄用水平法設五閘于清江口

致河淮並

趨南注運渠即兩河無事之日東流勢緩海口淤洄加于昔時若淮水發則盡入清口洶湧澎湃衝決不

常若河水發西則注南河破運東則薄北河破隄至  
若兩河並溢則民皆魚鼈矣或謂黃河上流往自歸  
德出沛下徐地勢不甚相遠故泛濫可支厥後河徙  
蕭碭下徐邳地勢高猛衝突新隄下埽植樁百計難  
就即能束水在隄其實水行地上則故道宜講此一  
說也或謂清河縣北有老黃河本沂泗東趨合淮入  
海故道誠能又開此河赴海必勇雲梯關下淤塞葦  
場當自蕩滌而海口廓矣此又一說也或謂邳州下

流有鋤頭灣河流二十餘里行緩沙留故邳徐漲塞  
今須從邳州以上力濬河身之積淤河中必見老底  
兩旁必見老岸則水由地中而缺口自出河岸既深  
則老岸即堤堤外即田矣此又一說也又曰高家堰  
為兩河關鍵

堰當淮泗合流之衝在淮安  
邳城西南隅去城四十里

史稱漢陳

登築堰禦淮

登為廣陵  
太守時築

本朝平江伯復大葺之淮揚

恃以為安自河由桃宿至清河奪淮入海之道淮弱  
而不敢爭始穿高堰入高寶湖溢溢高泰山寶興鹽

之間河無淮水之刷沙積而淤桃源不能即流遂由  
崔鎮四潰國計民生胥病矣必高堰堅而淮不能南  
溢則清口積沙借淮以衝或虞淮漲之浸泗欲決堰  
瀉淮不知堰決則淮盡趨于河入海少而淮弱矣淮  
弱則黃躡其後而清口淤矣清口一淤高堰雖決必  
不能盡泄淮漲故淮但可導之以入海而必不可使  
由河以入江嘗譬之淮為泗患淮即泗之賊也黃為  
淮患黃即淮之賊也淮退則黃進淮愈退則黃愈進

黃既侵淮而入淮必不能敵黃而出故必固守高堰

使全淮盡趨清口而後黃淮庶不為泗患矣

此主潘李訓說

袁黃云全淮大患在高堰塞斷下流自徐州以下水不順行其勢不得不趨于此使稍疏此堰則衆水皆沛然就下而黃河亦不至于潰決又云白馬汜光寶應邵伯諸湖吞吐蓄洩連亘數百里乃淮之委也隆慶間王宗沐為總河興築此堰以斷淮流癸酉五月淮水驟溢三大餘祖度受浸始有分黃導淮之議而河事益非夫淮河由雲梯關至廟灣入海而廟灣正在寶應汜光之下往時諸湖各有支湖誠濬其淤滯使五六道分行而又合之同歸于海口一分一合之間其勢轉盛可以滌河之濁可以闡海之沙此至便者其說與鄭曉曰四瀆惟淮流不甚遠河入海在究

潘不同

與

鄭曉曰四瀆惟淮流不甚遠河入海在究



州江在揚州濟在青州淮在徐州今江淮入海之道  
與禹貢同河南徙而奪淮入海濟因會通河借水通  
漕而其流竟莫可考

導渭自鳥鼠同穴東會于澧又東會于涇又東過漆沮  
入于河

渭詳雍州孔傳鳥鼠共為雌雄同穴處此山遂名曰  
鳥鼠渭水出焉釋鳥鳥鼠同穴其鳥為鵠音途鼠為鼯

音突 郭璞曰鼯如家鼠而短尾鵠似鵠而  
小黃黑色穴入地三四尺鼠在內鳥在外 愚按山

海經水經地理志並云渭水出鳥鼠同穴山酈道元則云出首陽縣南谷山在鳥鼠山西北三源合注東北逕首陽縣西與別源合又云鳥鼠山同穴之枝榦也渭水出其中東北流過同穴枝間蔡氏從酈說故言渭水出南谷禹只自鳥鼠導之考近志鳥鼠同穴山在臨洮府渭源縣西二十五里與南谷山相連南谷在泉眼周七尺四時流注即渭河之源是鳥鼠南谷西本一山蔡傳之信酈誤也鳥鼠共為一穴岳正過莊

浪親見之鳥形色似雀稍大頂出毛角飛即厓穴

口有鼠狀如常鼠但缺唇似兔蓬尾似鼬與鳥偕入

彼此睥睨有類雌雄

沈約宋書沙州甘谷嶺北有雀鼠同穴雀色白鼠色黃地生黃

紫花草便有雀鼠穴甘肅志謂鼠名兀鳥名本周兒同穴而處與古所傳鳥名鵲鼠名鼯異蓋物

類相感之異世固有之非屬不經蔡傳之疑孔又誤

也澧涇漆沮俱見雍州孔傳澧水自南涇水自北而

合漆沮亦曰洛水出馮翊北

疏云漆沮在涇水之東故孔以為洛水一名漆

沮以水土驗之與毛詩自土沮漆者別也按洛水與漆沮之辨詳雍州

陳氏櫟曰澧涇



大與渭並故曰會既得澧涇渭愈大漆沮皆小故  
曰過蘇傳此言渭水自西而東之次雍州散言境內  
諸水非西東之次也 程大昌曰詩曰豐水東注惟  
禹之績澧源發南而其末流投北入渭未嘗東也其  
曰東注者渭正流東澧已入渭則遂與之偕東也書  
曰涇屬渭汭漆沮既從澧水攸同非漆沮先已入渭  
而澧水始與之同也皆要其首末而槩為若言

導洛自熊耳東北會于澗瀍又東會于伊又東北入于

河

洛詳豫州愚按山海經水經俱謂洛出京北上洛縣  
謹舉山郭璞云洛水出上洛縣冢嶺山又云熊耳在  
上洛縣南考陝志謹舉一名冢嶺今商州西五十里  
有熊耳山西北一百二十里即謹舉山洛水所出也  
陝西道志洛源出商州洛南縣冢嶺  
山商州漢上洛縣洛南亦上洛地 謹舉熊耳同在  
上洛故淮南子博物志俱云洛出熊耳孔氏豫州傳  
云洛出上洛山此又云在宜陽以西宜陽以西則盧

氏熊耳也蔡氏前兩熊耳並註上洛因言地志伊水  
出盧氏熊耳非是此乃云盧氏熊耳蓋與孔氏合但  
上洛盧氏漢志並屬弘農晉志並屬上洛其相去不  
甚遠安知禹所導之熊耳必非上洛熊耳耶易氏曰  
洛出上洛縣西冢嶺山東流七十里至上洛東北流  
九十里至洛南在熊耳山之西又四百六十里至盧  
氏縣熊耳山據此則兩熊耳皆洛所經而所謂洛出  
熊耳者殆未足信矣

按河南志熊耳一在盧氏縣西  
南五十里宋書柳元景北伐引

軍出溫谷入盧氏度熊耳是也一在宜陽縣西百二十里後漢書光武破赤眉積甲宜陽城與熊耳山齊是也一在陝州東百五十里乃達磨葬處今塔尚存或疑熊耳本一山隨地得名當更考

澗渰伊並見豫州澗渰先入洛前先言伊水者以水之大小為先後此則以相入之先後次之王樵曰北方諸

水雖大河亦冰惟洛水不冰所以謂之溫洛一是天地之中二是其北連山以障北風三則前人謂其中有礪石夏允彝曰四瀆之外大水甚多而獨言渭洛者雍水莫大于渭豫水莫大于洛而渭則與灃涇

漆沮散列洛則與伊瀍澗並叙不舉渭洛獨言之不知二水為諸水之綱也 茅瑞徵曰四瀆以海為宗渭洛又以河為宗記曰三王之祭川也皆先河而後海河不擇細流而以海為壑源委則有間矣

正義九水立義不同漾江先山後水淮渭洛先水後山皆是史文詳畧無義例也又淮渭洛言自某山者皆是發源此山欲使異于導河故加自耳鄭玄謂凡言導者發源于上未成流言自者亦發源于上未成



流必其俱未成流何須別導歟河出崑崙發源甚遠  
豈至積石猶未成流而曰導河也王樵曰蔡氏謂導  
河積石導淮自桐柏導渭自鳥鼠同穴導洛自熊耳  
皆非出于其山特自其山以導之然渭源縣之南谷  
山實鳥鼠相連之枝山胎簪亦桐柏旁之小山而謂  
渭非出于鳥鼠特自鳥鼠導之淮出胎簪特自桐柏  
導之似俱未安詳經文之例凡言導某水自某山者  
皆水出其山之名也惟河不出積石故但言導河積

石沈多伏流故經不顯其所出孔氏亦但以在溫縣平地者言之蔡氏拘于先言山而後言水先言水而後言山之說則孔疏所云漾江先山後水淮渭洛先水後山皆史文詳畧無義例斯言足以斷之矣

按王說最

是但洛出冢嶺去熊耳頗遠與南谷之于鳥鼠胎簪之于桐柏又不可以一例

胡瓚曰凡

導山水皆自西而東自北而南河伏不識其源故不言自且為四瀆之宗故不言會江漢自其源導之故先言山而後言水淮渭洛自其盛處導之故先言水而

後言山

此主蔡說

洸水不言山者流伏不可據也黑弱不言山

者地遠不必誌也羅泌曰說者謂禹之治水自下之上

始于冀次之兗青徐而終于雍雍最高故治最後是不然

夫上者水之源而下者水之委也上者既已懷襄則下者

淹沒而無餘矣予求之導山之文而知治水必自上流始

書序曰禹別九州隨山濬川禹曰予隨山刊木夫濬川刊

木必隨乎山者上流始也山豈可導哉導山者導水而已

是故四列之山自正陰以至於正陽自北而南也中國七

水自河以及于江亦自北而南也導岍及岐河之始  
功也至于王屋濟之始功也渭自鳥鼠洛自熊耳淮  
自桐柏此陰列之山也漢自嶓冢江起岷山此陽列  
之山也孰曰先後之不可見乎抑又求之堯水之害  
盛者莫過于河濟短者極于渭洛河之害在冀兗雍  
而濟之害在兗青徐是故河濟則治其近而不治其  
源洛止于豫渭止于雍是故渭洛則附于河而不待  
致力蓋河一治而渭洛自從也治冀者必首于雍

河

治青徐者必先于豫

淮濟

治揚荆者必先于梁

漢江

所謂

水之道也夫惟自上而之下故揚州惟一敦淺原而  
究青徐則無山也若夫九州之次特鴻洞既平之後  
別其疆界陂其餘浸作其平陸以定賦之輕重焉是  
則禹貢之書實非治水作也以定賦而附見伯禹之  
功也九川之列非出治水時也乃史官所條難易之  
次也禹之治水始于河而訖于河首于雍而終于雍  
徐兗梁荆往來經畧皆非止于一而曰雍土最高治

最後豈理也哉

禹貢長箋卷十一